



75

სერგი (გიორგი) საჯანია

75

სერგი (გიორგი) საჯაია

ზენაარი
თბილისი 2021 (2022)

უკ (UDC) 328 (479.224)
ს-372

რედაქტორი ზურაბ ცუცქერიძე

გამომცემელ-რედაქტორი ზურაბ ქობალია

© სერგი (გიორგი) საჯაია

© გამომცემლობა „ზენაარი“, თბილისი, ზანდუკელის ქ.1,

ტელ.: (995) 599 343 727; (032) 2 98 48 07;

ელ.ფოსტა: zurkob@gmail.com; zenaari@gmail.com

ვებ.გვერდი: zenaari.ge

ISBN 978-9941-9812-1-0



ის შეუდრეკლად დგას დაკბილული ციხის ქონგურზე

(სერგი (გიორგი) საჯაიას 75 წლისთავთან
დაკავშირებით)

ზურაბ ცუცქერიძე

პედაგოგიკის დოქტორი, საქართველოს
განათლების მეცნიერებათა აკადემიის წევრი

სერგი საჯაიას ვინც იცნობს, უსათუოდ დაინახავდა მის მსგავსებას ლეგენდებიდან გადმოსულ მეციხოვნესთან, რომელიც შუბით ხელში ამაყად დგას ციხის ქონგურზე. საკუთარი საგვარეულო ციხის კი არა, სამშობლოს ბასტიონის დედა ციხის დაკბილულ ქონგურზე და ბეჯითად გასცქერის იმ გზაშარასა თუ საცალფეხო ბილიკებს, საიდანაც არაერთხელ შემოჭრილან, თუ შემოპარულან ვერაგი მტრები. იცის ამ მეციხოვნემ, რომ საქართველოს ღირსეული მტრებიც ჰყავდა და უფრო მეტი კი თახსირი, სულმდაბალი, შავგულა და მოლაღატე ავსულები, რომლებიც სწორედ უჩინარი ბილიკებით მოძვრებოდნენ, ხან მოყვრის, ხანაც კი გლახაკისა და მათხოვრის სახით მონყალების სათხოვრად. სწორედ ამ ბილიკებს აკვირდება ამაყი და წინგახედული მეციხოვნე, აკვირდება და ყველაფერს ხედავს.

ასეთია სამშობლოს ერთგული მეციხოვნის სერგი საჯაიას ხვედრი და ბედისწერა.

ეს წიგნი გასულ წელს უნდა გამოსულიყო მის 75 წლისთავთან დაკავშირებით. სამწუხაროდ, სხვადასხვა დამაბრკოლებელ მიზეზთა გამო, ვერ მოხერხდა.

ჯერ კიდევ ჭაბუკობაში აირჩია ბატონმა სერგიმ სამშობლოს მსახურების ეკლიანი გზა და იტვირთა ის ტვირთი, რაც ყველა ჭეშმარიტ მამულიშვილს აწევს მხრებზე. ამ ტვირთს ეწევა იგი დღესაც, 75 წლის სამანს გადაბიჯებული კაცი, სიტყვითა და კალმით ცდილობს სარეველამოდებული ეროვნული ყანისა თუ ბოსტნის გამარგვლას.

ეროვნული მოძრაობის სათავეებთან იდგა იგი, სრულიად ახალგაზრდა, ჯერ კიდევ სტუდენტი, შემდეგ პედაგოგი, სკოლის გამორჩეული ხელმძღვანელი თავის მშობლიურ აფხაზეთში და სადაც კი უმუშავია ხელმძღვანელ თა-

ნამდებობებზე თუ რიგით მუშაკად, განათლების დარგში თუ პოლიტიკურ ასპარეზზე, ჩრდილო-დასავლეთ საქართველოში იმ ფესვებსა და ძირებს იცავდა, ყველა ქართული ტომის იმ ერთიან ძარღვს უფრთხილდებოდა, რაც ერთიანი საქართველოს ლიბო და საძირკველი იყო მუდამ. ძმობა, ერთიანობა, შემწყნარებლობა, ურთიერთპატივისცემა ყოველთვის გახლდათ ქართული სახელმწიფოებრიობის პოლიტიკური იდეოლოგიისა და მრწამსის საფუძველი და ამას ქადაგებდა და დღესაც ქადაგებს სერგი საჯაია, რადგან ეს არის მისი რწმენაც და არსებობის შინაარსიც.

საქართველოში ჩატარებული ერთადერთი გაუყალბებელი არჩევნების შემდეგ ხელისუფლებაში პირველად და ჯერ-ჯერობით უკანასკნელად მოვიდა ეროვნული ხელისუფლება „მრგვალი მაგიდა – დამოუკიდებელი საქართველოს“ სახით. ეროვნული მოძრაობის აქტივისტი სერგი საჯაიას მაშინ, სულნათელ არკადი მარკოზიასთან ერთად, სულგაყიდულმა და, როგორც შემდგომ გაირკვა, ერის მოღალატე ძალებმა გზა ჩაუხერგეს. მიუხედავად ავმოსურნეთა ბეზლობა-ჩასაფრებებისა თუ შეთქმულებებისა მის წინააღმდეგ, ბატონი სერგი მტკიცედ და რწმენით დადგა ახალი ხელისუფლების, კერძოდ, მაშინდელი უალტერნატივო ლიდერის პოლიტიკური მიზნის გვერდით და აქტიურად იღვანა იქ, სადაც მას ადგილი მიუჩინა ქვეყნის მეთაურმა და საკუთარმა მრწამსმა. თუმცა ძირგამომთხრელთა ცილისწამებები საზოგადოებაში საძაგლად სისინებდნენ, მან მაინც იღვანა შედეგიანად, სძლია გულისტკივილს, ყოველგვარ დაუმსახურებელ წყენას და მისდა სასახელოდ, - არასოდეს დაპირისპირებია „კოლხირ კოშკს“, პირიქით, მაგრამ, სამწუხაროდ, **„ქვეყანაში იმდენი მოღალატე იყო, მაკდონელიც ვერ გაამარჯვებინებდა მას“** (კ. გამსახურდია). ასეც მოხდა! რეპრესიები, რაც „გამარჯვებულმა“ პუტჩისტებმა წამოიწყეს მასშტაბური და უაზრო იყო, ბატონი სერგი უსამართლო გვემასა და შეურაცხყოფას ვერ გადაურჩა, მაგრამ არ გატყდა, **„ბილწთ არ შეეკვრა ზავითა“** (ვაჟა-ფშაველა). ბატონ სერგის ფარხმალი არ დაუყრია, არც სახელმწიფო სამსახურში, სადაც მისთვის უმნიშვნელო პოსტი გამოიმეტეს და უფრო მეტად კი პუბლიცისტიკის სარბიელზე, აქ იგი ასევე უკომპრომისოდ იბრძოდა და იბრძვის, როგორც იბრძოდა ეროვნული ძა-

ლების ზეობისას თუ მანამდე. სწორედ ამის გამოა იგი დღემდე სამიზნე ქვეყნის ორგული ძალებისთვის

სერგი საჯაიას პუბლიცისტიკა სრულიად ორიგინალურია, როგორც პრობლემატიკის, ისე ეროვნული გზა-სავალისა და ორიენტაციის თვალსაზრისით.

მისი პუბლიცისტური ნერილები და სტატიების წაკითხვა მარტივი არ არის, ჯერ ერთი იმიტომ, რომ აქ პუბლიცისტური განსჯა სრულ სიმბიოზშია მეცნიერულ ნიაღვრულასთან, ისტორიულ ეთნიკურ-ეროვნულ ტრადიციასთან, რაც ხშირ შემთხვევაში მის ერთობ ორიგინალურ სტილში, წერის მანერასა და ლექსიკურ არსენალშიც პოულობს გამოხატულებას. ამიტომ, მისი ნაშრომების მკითხველს შემეცნებით ინტერესთან ერთად, გარკვეული დონის მომზადება და გამოცდილებაც სჭირდება, მაგრამ ვინც მოახერხებს მის შემოქმედებით სამყაროში შესვლას, იგი იქიდან აღარ გამოვა, ვიდრე ბოლომდე არ გაიზიარებს ავტორის დარდასა და ნაღველს, სიხარულსა და მომავლის რწმენას.

ამ კრებულს ვინც გაეცნობა, დაინახავს, რომ, საბედნიეროდ, კანტი-კუნტად, მაგრამ მაინც ყოფილან სერგი საჯაიას თანამოაზრენიც, მისი სამყაროს შემეცნობნიც და დამფასებელნიც და ამიტომ, მისი შემოქმედება, საქმე და სათქმელი არ არის „ხმა მლაღადებლისა უდაბნოსა შინა“, რომ მისი ღვთიური მადლმოსილება გადამდებია.

მე ასე ვფიქრობ და მგონია, რომ ამ თითქოს წარსულიდან გადმოსული მეციხოვნის ფარ-შუბი-კალამი დღესაც და იქნებ, უფრო მეტადაც სჭირდება ჩვენს ბედურულ ქვეყანას, საიმისოდ, რომ სხვა ფარ-შუბიანებთან ერთად მომავალში მაინც გადააბიჯოს ჩვენმა სამშობლომ ბედკრულობის სამანს.

* * *

მიწანერი: ისიც უნდა ითქვას, რომ სხვადასხვა მიზეზთა გამო, რომელიც დაკავშირებულია, როგორც ოფიციალის არაგულმონყალე ბიუროკრატის განწყობასთან, ასევე საზოგადოების გულგრილობასთან და ზოგჯერ ილბალთანაც, ბატონი სერგის შემოქმედებისა თუ მოღვაწეობის ჯეროვანი შეფასება მომავლის საქმეა, როცა ერი სამართლიანად აწონის საუკუნის ცოდვა-ბრალს, მაგრამ ამ მხრივ არის სასიამოვნო გამონაკლისებიც: 2004 წლის 31 მარტს (ოქმი № 2) პოლიტიკურმა ორგანიზაციამ „**სამართლიანობის აღდგენის კავშირმა**“ იგი საქართველოს ეროვნულ-განმათავისუფლებელი მოძრაობის პატრიარქის, დიდი მოაზროვნის ზვიად გამსახურდიას სახელობის პრემიით დააჯილდოვა „**ღვთისა და სამშობლოს ერთგულებისთვის**“.

სათანადო დიპლომში ხაზგასმით აღინიშნა მისი განსაკუთრებული დამსახურება საქართველოს დამოუკიდებლობისთვის ბრძოლაში.

თავის მხრივ საქართველოს მწერალთა შემოქმედებითმა კავშირმა 2008 წელს წიგნისთვის „დემოკრატიული“ გადაგვარებით „ცივილური“ გადაშენებისაკენ“ (2005 წ.) მიანიჭეს დიდი ნიკო ნიკოლაძის პრემია, ხოლო 2009 წლის 25 დეკემბერს იგი დააჯილდოვეს წმინდა ილია მართლის უღალატო თანამოაზრის – გიორგი შარვაშიძის სახელმწიფო პრემიით 2009 წელს გამოქვეყნებული პუბლიცისტური ნერილებისათვის საქართველოს ეროვნულ-გამანათავისუფლებელი მოძრაობის შესახებ.

27. 09. 2022 წ.



რისხვის ზარები ჩვენი სამრეკლოდან

(სერგი საჯაია - 70)

ზურაბ ცუცქერიძე,

ამ წიგნის ყველა მკითხველი ჩემი მეგობარია, იმის მიუხედავად, ავტორის მოსაზრებებს, დასკვნებსა და პათოსს სრულიად იზიარებს თუ არა, ჩემი მეგობარია, რადგან იმავე „ნესტარით არის ნაჩხვლეტი“, რითაც ნებისმიერი ჭეშმარიტი ქართველი. ამიტომ მივმართავ მას ასე:

ძვირფასო მკითხველო!

იცოდე, რომ ამ კრებულის ავტორი სამშობლოს ბედზე ფიქრით გულგასენილი კაცია, რომელმაც ჩვენი ისტორიის უახლესი ათწლეულების ყველა ქართველი გამოიარა და ეროვნული ავბედობის ჯოჯოხეთში გამოტარებული ფიქრი და აზრი მოიტანა შენამდე,

სერგი საჯაია ჩვენი სამშობლოს მკლავმოუღლეელი და მოუსყიდელი სარანგია. ვერც თანამდებობითა და ვერც ამ თანამდებობის თანმდევით პრივილეგიებით ვერ მოისყიდეს. ვერ გატეხეს იგი. ერთი ნაბიჯიც ვერ წაადგმევინეს იქით, საიდანაც სამშობლოს სიბეჩავის ხარჯზე პირადი კეთილდღეობა იწყება. ვერ გატეხეს, რადგან მისთვის „სამშობლო, როგორც უფალი, ერთია ქვეყანაზედა“. ამიტომ არის ასეთი

უკომპრომისო ყველასა და ყველაფრის მიმართ, ვინც და რაც ნებისით თუ უნებლიედ ერისა და სამშობლოს ურიცხვი მტრის ბოროტების წისქვილზე ასხამს წყალს.

მტერი კი ბოროტია და დაუნდობელი. მან კარგად იცის: **ერი რომ დაიძონო და გადააჯიშო, ჯერ უნდა დაშალო-დანა-აწევრო იგი, მთლიანი სამშობლოსა და ერთიანი ისტორიის ხსოვნა ჩაუკლა მას.** საამისოდ თვით ამ ერის წიაღში უნდა გამოზარდო სეპარატიზმის ხელშემწყობი და წამქეზებელი მანქურთები. სწორედ ამგვარი მანქურთებით არის სავსე ე. წ. არასამთავრობო ორგანიზაციები, მკბენარივით რომ მოსდებიან საქართველოს ეროვნულ სხეულს. ამ წიგნის ავტორმა კარგად იცის, სად და როგორ ინკუბატორში გამოჰყავთ ავი სენის გამავრცელებელი მკბენარი, რომელსაც დუსტი და ქლორი კი ვერ მოსპობს, არამედ ჩვენი გამოფხიზლება ამოძირკვავს მხოლოდ. ამიტომ არისხებს განგაშის ზარებს ჩვენი სამრეკლოდან, რომელსაც რომ არა სერგი საჯიას მსგავსი თითო-ოროლა მამულიშვილი, ეშმაკები დაეუფლე-ბოდნენ მთლიანად.

არა და, დაუფლებულნი არიან და ეგ არის!

შენ ხედავ, მკითხველო, თუ როგორ სახოვნად გვიჩვენებს ავტორი ეშმაკის მოციქულთა მარულას იმ დაწესებულებებსა და ორგანიზაციებში, რომლებიც, სადაც სამართალია, ეროვნულ ღირებულებებს უნდა ედგნენ დარაჯად და ზნეობის ბასტიონებს წარმოადგენდნენ. პირიქით კი არის! **უზნეობის, უკულტურობის, სულიერი და გონებრივი სიმახინჯის პრო-პაგანდის ღვარცოფმა ლამის მთლიანად წალეკოს ქართული ეროვნული თვითშეგნება და ქრისტიანული ცნობიერება, სა-უკუნეთა წიაღში რომ უდგას ლიბო და ბალავარი.** ეს ღვარცოფი სწორედ იმ სამრეკლოებიდან მოედინება, საიდანაც ზნეობისკენ უნდა უხმობდნენ ადამიანებს.

ამ ცოდვის ღვარცოფის წინააღმდეგ არისხებს ზარებს ეს წიგნი და მისი ავტორი კი ერთგული სარანგის შეუპოვრობით ებრძვის ურჩხულს, იმ იმედით, რომ **„ცუდად... არ**

ჩაივლის ეს განწირული სულისკვეთება“. დიდი გაბედუ-
ლება სჭირდება ამას და არ აკლია იგი ამ წიგნის ავტორს.

სერგი საჯაიას ამ წიგნში საქართველოს თანამედროვე ისტორიის ერთობ ტრაგიკულ-დრამატული ეპიზოდებია აღწერილი და გაანალიზებული. მნელია თანამედროვეობაზე წერა ბევრი მიზეზის გამო. ჯერ ერთი, ისტორიული მოვლენა და მისდამი თანამედროვეთა დამოკიდებულება რომ შეა-
ფასო, დროში დისტანცირებაა აუცილებელი. მეორე და, იქნებ უმთავრესი მიზეზი ის არის, რომ მოვლენათა ავად თუ კარგად მონაწილენი, შენი თანამედროვეები არიან და პირში მთქმელობის გაბედულებაა აუცილებელი.

სერგი საჯაის გაბედულებაზე უკვე ვთქვი! რაც შეეხება დროში დისტანცირებას, იგი მას არ სჭირდება, რადგან დღე-
ვანდელ მოვლენებს მხოლოდ აწმყოს გადასახედიდან კი არ უცქერის და აფასებს, არამედ ისტორიული წარსულის პრი-
ზმაში ხედავს მას და ამიტომაც მიუმცდარი მგონია მისი შეფასებები და დასკვნები.

ერის დაცემა და გათახსირება მაშინ იწყება, როდესაც ხალხი თავის წარსულ ისტორიას ივიწყებს, - დიდი ილია ჭავჭავაძე გვაფრთხილებდა და დღესაც გვაფრთხილებს. ჩვენ კი ეს გაფრთხილება, ისევე, როგორც ერის მამების ბევრი სხვა დარიგებაც, ყურად არ ვიღებთ. შეგრძავს პირდაპირ, საკუ-
თარი ისტორიის დავიწყების ის საშინელი შედეგები, რაც, თითქოს, ჩვენც ვიცით, ამ წიგნში კი დასაბუთებულად არის ნაჩვენები. ვიცით მაგრამ, მერე რა? ერთმანეთსაც კი არ ვე-
მოწმებით. სწორედ ამიტომაც ამ წიგნის ავტორის რისხვა სრულიად სამართლიანი და მე ასე მგონია, ყველამ უნდა გავინაწილოთ იგი. პირველ ყოვლისა მე, მიუხედავად იმისა, რომ აგერ ოთხი ათეული წელია პრესაშიც და ისეც, საჯაროდ გავყვირი: ქართველი ბავშვების დიდ ნაწილს ქართულს არ ვასწავლით და ზრდასრულობაში ასე ჰგონიათ მეგრული და სვანური ქართული ენები არ არის. ამერიკის სულს ჩასწვ-
დითო, - ჩასძახიან ქართველ ახალგაზრდებს უცხოეთში და-
გეშილი „ჩვენნიანები“, ქართულ სულს კი უუცხოვებენ-მეთქი!

ერთიკაციც კი არ გამომხმაურებია!

სერგი საჯაია ამ წიგნშიც და სხვაგანაც კარგად უჩვენებს ყველას, რა მოსდევს ამგვარ სულიერ უვიცობასა და სიღატაკეს, რაც ზნეობრივ გათახსირებაში გადადის: ჩრდილოდასავლეთ საქართველო ჩვენი სამშობლოს სხეულის ნაწილად არ მიაჩნიათ ჩვენს „პოლიტიკოსებს“ და არაპოლიტიკოსებსაც. მასზე ისე ლაპარაკობენ, როგორც მეზობლის შემოღობილ ეზოზე, რომელსაც ჭიშკარი არ დააყოლეს ჩვენს მხარეს. ასეთივე დამოკიდებულებაა შიდა ქართლისა და სხვა ჩამოშორებულ თუ ჩამოსაშორებლად გამზადებულ მხარეების მიმართაც. **„თუ ჩვენ უარს ვიტყვით ჩვენსავე წარსულზე, სხვა დაეპატრონება მას“**, - წერს ამ წიგნის ავტორი. და ეს ჭეშმარიტად ასეა! ამის მაგალითები ჩვენ თვალწინ ძევს და უარის მთქმელებიც ჩვენს წინ არიან (სამწუხაროდ, ცოცხლებიც!).

ვკითხულობდი ამ წიგნს და ის განცდა მეუფლებოდა, კვირიას რომ აფორიაქებდა ვაჟა-ფშაველას „ბახტრიონში“: **„მთელი ქვეყანა ქცეულა ჩიქილამოხდით ქალადა. არა ჩანს ხელის შამქეცი, მტრის ამომყრელი ჯავრისა...“** მაგრამ მაინც... იმედი არ ჩავიკლათ, ამ წიგნის მკითხველო, რომ ღვთისმშობლის წილხვედრ ქვეყანას არ გასწირავს და მოუვლენს გადამრჩენელს, როგორც არაერთხელ მოუვლინა წარსულში.

ახლა ორიოდ სიტყვას ჩემს რედაქტორობაზეც მოგახსენებთ.

ეს წიგნი რომ წავიკითხე, დავრწმუნდი, რომ მას რედაქტორი არ სჭირდება. ჯერ ერთი, იმიტომ, რომ ავტორი ისეთ ფაქტებსა და მოვლენებზე წერს, რომელთა მომსწრე და აქტიური მონაწილე თვითონ არის და რაში უნდა შევიტანო ექვი ან კორექტივი? მეორე და მთავარი კი ის არის, რომ სერგი საჯაია, როგორც მწერალი-პუბლიცისტი საკუთარი ორიგინალური აზროვნებისა და მისი შესაბამისი სტილით გამოირჩევა და, რა, რედაქტორმა თავისი გემოვნება უნდა უკარნახოს? რომც უკარნახოს კიდევ, სერგი საჯაია ის კაცი არის,

სხვისი კარნახით გააკეთოს თავისი მრწამსისათვის შეუსაბამო რამე.

ბატონ სერგის საკუთარი ხმა, ქართული ენისადმი თავისი დამოკიდებულება აქვს და იგი უნდა მიიღონ (ან არ მიიღონ!) ისეთი, როგორც არის. მე პირადად, ძალიან მომწონს იგი. მისი სტილი იმ ძეგლ ღვინოს მაგონებს, ორი სამი ჭიქის შემდეგ რომ ხდება ერთობ სასიამოვნო სასმელი. იგი ღრმად იცნობს ქართული სიტყვათწარმოების უკიდევანო შესაძლებლობებს, რაც ასე უხვად არის ნაჩვენები ამ წიგნში.

სერგი საჯაიას სამწერლობო ენა ფრიად გამომსახველობითია და საინტერესო. ერთი ეგ არის, მკითხველი ერთგვარად შემზადებული უნდა იყოს საამისოდ: ქართული ენის გულისგულში წვდომა უნდა შეეძლოს.

ისე, რომ ამ წიგნს რედაქტორი არ სჭირდება და თუ მანინც რედაქტორად მომიხსენიებს, ალბათ, მხოლოდ იმიტომ, რომ ეს წინასიტყვა ლეგიტიმური იყოს.

ჩემი მხრივ, მადლობელი ვარ ამ წიგნის ავტორისა იმ უზადო მამულიშვილობისათვის, რომელიც არა მარტო სამაგალითოა, გადამდებიც არის.

დაიბეჭდა წიგნში „გულსმიწერაქვებული ახავაი და წინგაუხედავად ყურდახშობილი საზოგადოება“, რაგადობანი, 1 ნაწილი, თბილისი, 2016 წ.



ცრემლში დანახული მამული

(ფიქრები სერგი საჯაიას პუბლიცისტური ხმით ნატირალზე)

სერგი საჯაიას ქართველთა წინაშე წარდგენა არ სჭირდება: მას იცნობენ როგორც სამშობლოსთვის თავდადებულ უზადო პატრიოტს, ეროვნული მოძრაობის მოღვაწესა და სამშობლოს საჭიროებათა შესაბამისად დამაშვრალ კაცს, რომელმაც თავისთავზე იწვინია ის დაუნდობელი რეპრესიები, რაც ქართველთა მტრებმა დაატყვებეს თავს საქართველოს...

რეპრესიებს უკვალოდ არ ჩაუვლია. ბევრი პატრიოტის სიცოცხლე შეიწირა „ბოთლიდან“ გამოშვებულმა ბოროტმა ჯინმა, ბევრი ფიზიკურად და სულიერად დაასახიჩრა... არც სერგი საჯაია იყო გამონაკლისი...

იმ ეკლიან გზაზე, რაც პატრიოტებს განუმზადა განგებამ, ბატონ სერგის გვერდით იყო და მასთან ერთად ვიღოდა მისი მეუღლე და თანამებრძოლი ქალბატონი ნანა. მათი ურთიერთობა საოცარი სიმბიოზში იყო ერთმანეთისა და სამშობლოს სიყვარულისა და პასუხისმგებლობისა.

ძალიან ძნელია მეგობრისა და თანამებრძოლის დაკარგვა, მით უფრო თუ იგი ამავე დროს მეუღლეს არის; კიდევ უფრო რთულია, თუ ამავე დროს სამშობლოც დაკარგული გაქვს. აი, სერგი საჯაიას დემართა ეს! მან საკუთარი ოდაბადე და ყებური დეფაქტოდ დაკარგულ აფხაზეთთან ერთად დაკარგა და თუმცა დეიურედ დაუკარგავია დანარჩენი მისი სამშობლო, მაგრამ გალაკტიონისა არ იყოს, ძნელია **„მიდიოდე და ფიქრობდე, ეს არ არის საქართველო!“**

აი, ეს განცდაა გადმოცემული (მე ასე დავინახე!) მის ახალგამოცემულ პუბლიცისტურ წიგნაკში **„მინონგარაფა ჩემი სულიერი ფორიაქის“**, რასაც მე პუბლიცისტური ხმით ნატირალი ვუწოდებ.

სერგი საჯაია ორიგინალური სტილის მწერალია. მე ძალიან მომწონს ეს და იმასაც ვგრძნობ, რომ ყველასთვის მოსაწონი არ იქნება მისი ენა და სტილი, ბევრისთვის - გაუგებარიც. გარკვეული ცოდნა-გამოცდილებაც სჭირდება მის მკითხველს საიმისოდ, რომ დაინახოს ის განცდა, რაც მის ორიგინალურ სტილსა და წერის მანერაშია ბოლომდე სცნაური.

განცდის სიმძავერა აკუმულირებული სულიერ საუფლოში გადასული მეუღლისადმი მიმართვაში, რომელიც წიგნის ყდაზეა გამოტანილი: **„ჩემო თოლიგე, ასგზის შურიგე და სულის ყებურო, ნ ა ნ ა !..“** და იქვე რუსთველის სტრიქონში: **„ან დავკარგე: რად არ გიკვირს, რად ცოცხალ ვარ, რად ვარ რეტად? ვა, სოფელო უხანოო, რად ზი სისხლთა ჩემთა ხერეტად?!“**

მთელი ეს სულისშემძვრელი სევდით გაჟღენთილი წიგნი დღიურის ფორმით არის დაწერილი, სადაც ერთმანეთშია გადაჯაჭვული პიროვნული და საქვეყნო ვარამი, რომელიც ინფორმაციად, ანუ ამბავად კი არ შემოდის მკითხველში, არამედ იმ სევდად, რეალურ-საგნობრივად რომ რჩება მასში.

დღიურები იწყება მეუღლის მძიმე სენით გამოწვეული ტრაგიკული რეალობის გაცნობიერებით: **„სათავზარო სიცხადის პირის-**

პირ“ - ასე შევყავართ ავტორს უკიდევანო სევდისა და გული-სწყვეტის ოკეანეში. „როგორ ვეიმედებოდი! ვგრძნობდი, მისი დანისლული თვალგახელა თუ როგორ დანდობილად მადგენდა თავი-სი უმწიობის მაშველ რგოლად: მკლავში ჩამებლავუჭა, ჩაკრა და ხელისგულზე მაკოცა. ახლა კი, ამ წუთში ვიდექი ხეჭკურე, უმწიო, უღონო და უხვალდღეო.“ (გვ. 5).

სერგი საჯაია წარბშეუხრელად იდგა ყველა საფრთხის წინაშე, რომელიც არასოდეს დაჰკლებია საქართველოს, სიკვდილისთვისაც ჩაუხედავს თვალეზში, მაგრამ სასოწარკვეთა არ გამოხატვია არც სახეზე, არც სიტყვაში. ახლა კი, სიბერეში ფეხშედამტულ ბერიკაცს, სასიკვდილო სარეცელზე მწოლიარე მეუღლეს რომ დასცქერის (23. 12. 2019, „დრო მხოლოდ ორისათვის“), ბზარი გასჩენია ხმაში: „ვევ-დე გაუნძრევლად, ყურს ვუგდებდი მის მოფორიაქე სუნთქვას და ვგრძნობდი კი არა, მესმოდა თუ როგორ მომბლაოდა გულსმოგლე-ჯილი ოდაბადე ჩემი: დიდოუ ნანა, ჭყოლირ გურსუ ვამიჭუა!“

ცოლიც და ქმარიც ერთმანეთის სიყვარულს სამშობლოს სიყვა-რულთან აიგივებდნენ, რაც კარგად ჩანს ამ დღიურებში, განსა-კუთრებით იმ ეპიზოდებში, როდესაც ქმარი მიძინარე ან უგონოდ მყოფ მეუღლეს ესაუბრება და სჯერა, ალბათ, რომ თვალდახუჭულ თანამეცხედრეს ესმის ყველაფერი, რასაც ფხიზელი და ფეხზე-მდგომი ეუბნება: „შენ იცი, მე ვტიროდი და ვიბრძოდი სამშობლოს გამო. ის მე (მეტი საქმე არა აქვს) არ დამიტირებს, სამაგიეროდ შენ დაიცრემლევი ჩემს საფლავზე, ნანა!“ (გვ. 7).

საოცარია, როგორ არის ამ სიტყვებში ერთდროულად გადმო-ცემული გულგატეხილობა, სამდურავი და ოპტიმიზმი. გულგა-ტეხილობა და სამდურავი იმის გამო, რომ სამშობლო არ აფასებს და არც დაიტირებს მისთვის თავდადებულ მოღვაწეს, ოპტიმიზმი კი იმის რწმენით, რომ სასიკვდილო სარეცელზე მწოლიარე მეუღლე მოახერხებს და დაიცრემლება მის საფლავთან.

საქართველოში, ჩემო ძმაო სერგი, გმირებსა და ბრძენკაცებს აღიარებისთვის ყოველთვის აკლიათ ერთი რამე - სიკვდილი. ეს მუდამ ასე იყო და ასეა ახლაც. შენ ჯვარი გწერია, დიდხანს იცოცხლე, გული კი არ გაიტეხო არასოდეს! ის, რაც შენს მეუღლეს უთხარი 2014 წლის 14 იანვარს, შენზეც ასევე ითქმის: „ამ ცისქვე-შეთში ეროვნული ბედნიერება იყავი შენს პირად სამყაროში საკუ-თარი ბედნიერების გარეშე“ (გვ. 7).

ამ მომცრო წიგნში, პირადი ტრაგედიის ფონზე და გულიდან წამოსულ ცრემლში საქართველოს ტრაგიკული უახლესი ისტორიაა

დანახული. ბოლო ოთხი ავბედიტი ათწლეულის განმავლობაში ბევრი ცოდვის კალო გაილეწა საქართველოში. ღალატი, სიცრუე, ორპირობა ცხოვრების წესად იქცა ჩვენში. ფარისევლობამ შეცვალა გულწრფელობა, ლაჩრობამ - სიმამაცე, სიყვარული - ბოღმამ და შურმა, დაუნდობლობამ - გულმოწყალება. სრულ ჭეშმარიტებას ღალადებს წიგნის ავტორის კალამი: **„რა გაახარებს ამხელა ცოდვაში ჩაფლულ ქვეყანას? ვაგა, ჩქინ ცოდა!“**

რაც უფრო შორს მივდივარ დღიურში, მით უფრო ნათლად ჩანს, როგორ არის გადახლართული ერთმანეთთან ბედის დაუნდობლობა და კაცთა უპირობა ჩვენს ცოდვილ ქვეყანაში. გამოსავალიც არ ჩანს და ამ პუბლიცისტური ხმით ნატირალის ავტორს ვერაფრით ვანუგეშებ, მხოლოდ მოკრძალებით ვურჩევ, უფალთან ეძიოს ნუგეში და იმედი, იმის რწმენა, რომ ადამიანის სული უკვდავია, მით უფრო ისეთებისა, როგორც მისი მეუღლე და თანამებრძოლი მეგობარი იყო.

შენი მეგობარი, დარდით გულგასენილი

ზურაბ ცუცქერიძე,

პედაგოგიკის მეცნიერებათა აკადემიის აკადემიკოსი, პროფესორი.

09. 01. 2022

დაიბეჭდა გაზეთში „საქართველო და მსოფლიო“, 2022 წ., 16 მარტი.





„კოლხური კოშკის“
 მსოფლმხედველობის
 „ამთერგღრიალებელი
 განიშანსვეტება“,
 ანუ

ქვეშევრდომული სულის
 გაძევება „სრულიად საქართველოს გონითი
 განფენის სივრციდან“

დენისა სუმბაძე,

ეროვნულ-გამათავისუფლებელი მოძრაობის წევრი, ფილოსოფიის
 მეცნიერებათა დოქტორი, პროფესორი

„აგრე ყოფილა მუდამ, ხომ მსუბუქია ბატის ფრთის კალამი, მაგრამ
 კალმის მოსმას უფრო მეტი გამბედაობა ესაჭიროება, ვიდრე ხმლის
 მოქნევას.“

დიდოსტატი კონსტანტინე;
 „ვიყავ ბეთანას, თაყვანი ვეც თამარს.“

კონსტანტინე გამსახურდია
 1921 წლის 25 თებერვალი.

ძვირფასო მკითხველო!

ჩემო ძვირფასო ქართველო ხალხო!

ჩემი წინამდებარე წერილი, სათაურით: „კოლხური კოშ-
 კის“ მსოფლმხედველობის „ამთერგღრიალებელი განი-
 შანსვეტება“, ანუ ქვეშევრდომული სულის გაძევება
 სრულიად საქართველოს გონითი განფენის სივრციდან“,
 ჩვენი დღევანდელი გადასახედებიდან გამომწვეული გამო-
 ხმაურება გახლავთ ცნობილი მწერლისა და საზოგადო მოღ-
 ვანის, უმაღლესი კატეგორიის პედაგოგის, ასევე უნდა ით-
 ქვას, - უმაღლესი კატეგორიის სახელმწიფოებრივ პრებ-
 ლემათა ანალიტიკოსისა და დიდაქტიკოსის, ბატონ სერგი
 საჯაიას ძალზე მნიშვნელოვანი ორი ნაშრომის ირგვლივ. ეს
 ნაშრომები გახლავთ: პირველი - „დებულება ქრისტე-მხე-
 დრულ ვინაობაზე, ანუ ახალსა ამას ერსა საღრმთოსა“,
 რომელიც წარმოადგენს გამოხმაურებას პირადად ჩემს
 წიგნზე: „გიორგი მთაწმინდელის წინასწარმეტყველება
 ქართველი ერის შესახებ“. ასე რომ, პატივცემულო მკი-

თხველო, ჩემი წინამდებარე წერილი გახლავთ გამომხაურება ბატონ სერგი საჯაიას მსჯელობაზე, ზემოთ აღნიშნული ჩემეული წიგნის ძირითად საკითხზე: ქართველი ერის, როგორც „ახალი საღრმთო ერის“ განსაზღვრულობასთან დაკავშირებულ საკითხებზე.

ჩემი წიგნი: „**გიორგი მთაწმინდელის წინასწარმეტყველება ქართველი ერის შესახებ**“ გამოიცა 2012 წელს, ივანე ჯავახიშვილის სახელობის თბილისის სახელმწიფო უნივერსიტეტის არეოპაგიტული სამეცნიერო ცენტრის სახელით, რომელიც 2005 წლის საქართველოს განათლების ცნობილი სახელმწიფო ე. წ. რეფორმის, დამანგრეველი გადათარეშების შემდეგ ფუნქციონირებს, როგორც ამავე უნივერსიტეტის საზოგადოებრივი გაერთიანების: „**თბილისის უნივერსიტეტის ასამბლეის**“ სტრუქტურული ნაწილი, „**ეროვნული პრობლემების ანალიტიკურ დარბაზთან**“ ერთად. წიგნი გამოსცა გამომცემლობა „უნივერსალმა“. ბატონმა სერგი საჯაიამ იმავე წელს შეაგება საზოგადოებას თავისი გამომხაურება ამ წიგნზე სათაურით: „**დებულება ქრისტეს-მხედრულ ვინაობაზე, ანუ „ახალსა ამას ერსა საღრმთოსა**“. ბატონი სერგი საჯაიას მიერ ეს გამომხაურება ჩართული გახლავთ მისი წერილების კრებულში, რომელიც გამოიცა იმავე 2012 წელს, სათაურით „**შეთქმულთა თაღლითობანი აფხაზეთის ა/რ-ის უმაღლეს საბჭოში**“ (II ნაწილი, გვ. 260-269).

მეორე ნაშრომი, რომელსაც ჩვენ წინამდებარე წერილში ვეხებით, ეს გახლავთ ბატონი სერგი საჯაიას წიგნი: „**განგაში!.. განგაში!.. განგაში!.. საფიხვნო ინგირცმელედან მემამბოხე საფლავთა სახელით**“; იგი გამოქვეყნდა 2021 წელს, თითქმის ათეული წლის შემდეგ, ჩვენს მიერ ზემოთ დასახელებული ჩემი წიგნისა „**გიორგი მთაწმინდელის წინასწარმეტყველება ქართველი ერის შესახებ**“ და ბატონი სერგი საჯაიას მიერ მასზე გამოქვეყნებული გამომხაურებების შემდეგ.

ბატონი სერგი საჯაია, როგორც დიდი მამულიშვილი თავისი მშობლიური ქვეყნისა, რომელსაც „საქართველო“ ჰქვია, ხოლო მის მშობლიურ კუთხეს აფხაზეთს – „ჩრდილო-დასვლეთ საქართველო“, **ის იშვიათი პიროვნული გამოვლინებაა** დღევანდელ სახელმწიფოებრივ გარემოცვაში,

რომელსაც არც აღქმა და შემეცნება ღალატობს ქვეყნისათვის კეთილისა და ბოროტის, ღირსების და უღირსობის გარჩევაში და არც გაბედულება – კეთილის შეფასებისა და დაფასებისა, არც გამბედაობა ცუდისა და ბოროტის მხილება-შერისხვისათვის.

თავს ნებას მივცემ, წინამდებარე წერილით ამ მიმართულებით შევჩერდე შემოგებებულ საკითხებზე, თან დავადასტურო ჩემი განცხადება და პირველ რიგში ჩემი აღფრთოვანება გამოვხატო ბატონი სერგის მიერ თანამემამულეთადმი მიმართვით, როგორც თავად წინასწარვე გვაფრთხილებს - მეამბოხე საფლავთა სახელით, **ეს სინმინდეები, ანუ მეამბოხე საფლავთა წინაპრები სერგი საჯაიას სახით, მდუმარე ქართველობას ამბოხებისაკენ მოუწოდებენ. თუ ამ სცენას გენიალური თეატრალური რეჟისორი ღირსეული ხელოვნებით მოუნახვდა თეატრალურ სცენირებას, ალბათ მაყურებლისგან დაიმსახურებდა აღფრთოვანებულ სამადლობო ტაშს.**

2020 წლის 22 აპრილს, როდესაც პლანეტა დედამიწაზე, ყველა ქვეყანაში და მათ შორის საქართველოში მესამე მსოფლიო ომის, ამასთან ვირუსული ომის აგონიაშია, ბატონი სერგი საჯაია მეამბოხე საფლავთა სახელით მიმართავს თავის თანამემამულეთ: „**ქრისტესმიერ ჯიშისმიერნო და სულიერნო, შინერს-ვაშინერსის სახლიკაცურ წესრიგში მოაზროვნე ძვირფასო თანამემამულენო! ვაცნობიერებ რა თავს მოხვეულ სულიერ, პოლიტიკურ და ყოფით ყოველდღიურობას, ამ სათავზარო დღეებში უფლის შეწევნით გონება გამეხსნა და შესაბამისად ვასკვნი, რომ გადაუდებლად და ყოველმიზეზგარეშე თქვენთან ერთად კვლავაც უნდა მივემონაფოთ ერის სახალხო სიბრძნეს, რათა ახალი რუისურბნისისა და სადიდგორო ძალისხმევით, ისევ და ისევ ჩვენს დედან ვინაობაში, ანუ ღვთისმშობლის წილხვედრილობაში მოვიაზროთ თავი!**“ (გვ. 36).

კიდევ ერთხელ ხაზგასმით ვამბობ: მას არც შემეცნება ღალატობს ქვეყნისათვის განხორციელებული კეთილისა და ბოროტის, ღირსეულისა და უღირსის გარჩევაში, - არც გაბედულება კეთილის შეფასებისა და დაფასების, ან ცუდისა და ბოროტის მხილებისა თუ შერისხვის.

თავს ნებას მივცემ, ამ მიმართულებით შერჩეულ საკითხებზე შევაჩერო მკითხველის ყურადღება და ნათელყო ჩემი წინამდებარე განცხადება.

„ისეთი შეგრძნებაა თავსმობვეულ სიცხადეში, თითქოს საქართველოდან საქართველომ გააძევა საკუთარი ნამდვილი სახე და შინაარსი“ (გვ.15, განგაში!.. განგაში!) წერს ბატონი სერგი.

რა გამოდის: ასეთ შემთხვევაში ის „მავანი“ თვითონ საქართველოა, რომელიც თავისთავს აძევებს და ამაში დევს კიდევ ჭეშმარიტების ნაწილი, რადგან ჩვენ მოგვახვიეს თავს პოლიტიკა, რომლითაც, გინდა თუ არა, ჩვენი ხელით უნდა გამოვიჭრათ ყელი. ეს ისევეა, როგორც ლოგინში მწოლიარე „საქართველოს შარავანდედად“ წოდებულ კათალიკოს-პატრიარქის კირიონ მეორეს 1918 წელს ხელში დააჭერინეს რევოლუციონერი და მოკლულს თვითმკვლელობა დააბრალეს.

ამჯერად თვითმკვლელობის იდეოლოგია საქართველოს თავს მოახვიეს მსოფლიოს ე. წ. „ახალი წესრიგის“ არქიტექტორის, „რევოლუციების სპეციალისტად“ თვითწოდებული ჯორჯ სოროსის ძალისხმევით. უფრო სწორად, ე. წ. შევარდნაძე-სოროსის პოლიტიკური ალიანსით. ბატონი თამაზ ნივნივაძე, რომელიც გამოირჩეოდა ცინცხალი გონიერებითა და წარმოუდგენელი იუმორით, როგორც ცნობილია, განსაკუთრებული ინტერესით ადევნებდა თვალს ე. შევარდნაძის მოღვაწეობასა და მისადმი გამოჩენილ დამოკიდებულებას ირონიას არ აკლებდა. ერთ-ერთი წერილით, ბატონი თამაზ ნივნივაძე, ასევე ცნობილი, როგორც პოპულარული გაზეთის, „ლიტერატურული საქართველოს“ რედაქტორი, ე. შევარდნაძის მოღვაწეობის თვალმიდევნებაში ერთ ასეთ იუმორისტულ შტრიხს გვიზიარებს: ეს კაცი არ დაკმაყოფილდაო საქართველოს პრეზიდენტობით და საქართველოს პრეზიდენტმა საქართველოს სამინისტროების მინისტრობის თანამდებობებიც შეითავსაო. ე. შევარდნაძის მიერ შინაგან საქმეთა და უშიშროების სამინისტროების ფაქტობრივი შეთავსება თამაზ ნივნივაძისთვის იუმორის საგანი გახლდათ, მაგრამ ე. შევარდნაძისთვის ის მონოლითური და გრანდიოზული პოლიტიკური მისია იყო, რომლითაც სრულყოფილად უნდა ჩაებარებინა საქართველოს

სახელმწიფო მანქანა მასონურ-სიონისტური მმართველობისათვის. აქ გადამწყვეტი მნიშვნელობისა იყო, სწორედ ამ სამინისტროების მინისტრობა. სახელმწიფო უშიშროებისა და შინაგან საქმეთა სამინისტროების მთავარი როლი!..

ჩვენ, ქართველ ხალხს გვაყავს ისტორიაში წმინდანი თევდორე მღვდელი, რომელმაც საქართველოში შემოჭრილ მტერს გზა-კვალი აურიო და მტრის ამ უკუგზაზე დაყენებას შესწირა თავი. ე. შევრდნაძე არის **ანტი თევდორე**, რომელიც მტერს სამშობლო ქვეყნის ლაბირინთებში შეუძღვა და უზრუნველყო მტრისეული მმართველობა. ასე ჩააბარა საქართველო ევრო-ატლანტიკურ იმპერიებს მსოფლიოს სიონისტური ლოჟების მხარდაჭერით ედუარდ შევარდნაძემ. ამერიკელი მწერალი ლევ ბუნიინი, ებრაული წარმომავლობის და კარგად გარკვეული მსოფლიოს დიდმპყრობლურ ზრახვებში, წლების განმავლობაში ცდილობს, გონს მოიყვანოს საქართველო და ქართველი ხალხი ამავე დროს გააგებინოს, **რომ ის არის დღეს ისრაელის კოლონია, რაც საქართველოს მის ხალხთან ერთად არ ესმის, თანაც თავს იტყუებს ევროკავშირისა და ნატოსკენ ლტოლვის რიტორიკით.**

ბატონი სერგი საჯაია ერთდროულად ებრძვის თავისი გონებითა და განწყობით იმ ბოროტებას და უბედურებასაც, რომელიც დღეს საქართველოში ტრიალებს, და იმ ქართული საზოგადოებრიობის პოზიციასაც, რომელიც მდუმარებაში ყოფნით მასპინძლობს ამ ბოროტებას. საქართველო კი, მოგეხსენებათ, რომ არ არის მხოლოდ დღევანდელი საზოგადოებრიობა. საქართველო, - როგორც ბატონი სერგი გვეუბნება, - თავისი დედანი შინაარსითა და ვინაობით, პირველ რიგში, ათასწლეულებგამოვლილი ეროვნული ერთობაა, ამასთან დიადი ერთობა, თავისი ოქროს ხანით, და მას ღირსეული პატრონობა სჭირდება დღევანდელ ცოცხალ მემკვიდრეთაგან, თორემ, იურისპუდენციაში არსებობს უღირსი მემკვიდრის მუხლი.

საუბედუროდ და სამწუხაროდ, დღეს საქმე გვაქვს სრულიად უპრეცედენტო მოვლენასთან, - ქართველი ხალხის ისეთ მოტყუებასთან და ისეთ ცდომილებაში შეყვანასთან დამპყრობლის მიერ და დამპყრობლის მხრიდან, რომლითაც საქართველო თავის დამპყრობელს, შეუგნებლად,

თვითონვე უთმობს თავის ქვეყანას. ამასთან არა მხოლოდ თავისი ქვეყნის მინა-წყალს, საკუთარ ეროვნულ მისიასაც კი. აი, რას ამხელს სერგი საჯაია და რაღაა მისი უძილო ღამეების მიზეზი.

ეს თავზარდამცემი ცბიერება, როგორც ისტორიული შედეგი, იწყება ბაბილონის გოდოლის დაცემიდან მოყოლებული და ლეიტმოტივად მიჰყვება მთელს ჩვენს ცივილიზაციურ ცხოვრებას, ბაბილონის დაცემიდან დღევანდელ ე. წ. მსოფლიო წესრიგამდე. ეს ყოველივე, როგორც მსოფლიოს ე. წ. „ახალი წესრიგი“, აულაგმავი ამბიციია გახლავთ მსოფლიოს სიონისტ აგრესორ-დიდმპყრობელთა მმართველობისა, რომელიც ასპარეზზე გამოდის ათასწლეულების წინ და მივყავართ ორი დიდი კატასტროფის საშიშროებასთან: ეკოლოგიური კატასტროფისა და პოლიტიკური კატასტროფის. ამ პრობლემის წამოწევა და ჩვენეულ ინტერპრეტაციას ჩვენ ვიწყებთ, ჩვენს მიერ 1989 წელს პეტერბურგის სასულიერო აკადემიაში გაკეთებული მოხსენებით, შემდეგ ჩვენი კონცეფციის გასაჯაროებით „გრეის ფენომენის შესახებ“, და ღია წერილის გამოქვეყნებით აშშ-ის პრეზიდენტისადმი წიგნად, 2018 წელს, სათაურით: „ჩვენ განვკურნავთ დედამიწას სნეულებისაგან“.

კაცობრიობის ბიბლიური ისტორია, ფაქტობრივად, ასახავს ბაბილონის დაცემისა და მსოფლიო ასპარეზზე აბრაამის მოდემის გამოსვლის ისტორიას ამბიციით, რომ მან უნდა მართოს კაცობრიობის ცივილიზაციის ისტორია, რომელიც უნდა დაგვირგვინდეს მსოფლიოს მასონურ-სიონისტური მმართველობით. ჩვენ ვიმყოფებით კაცობრიობის ისტორიის იმ ეტაპზე, როდესაც რასისტულ-სიონისტური მოძრაობა მისულია აბრაამის გამოცხადებათა რეალიზაციის ეტაპზე, რომლითაც ჟიდო-მასონური მოძრაობა აცხადებს მზადყოფნას მსოფლიოს სიონისტურ-იმპერიული მმართველობისას, რაშიც მას ხელს უშლის, მისი აზრით, კაცობრიობის რიცხობრივი რაოდენობა და ერების არსებობა, უფრო ზუსტად: ხალხების ერებად არსებობა. ამიტომ, მსოფლიოს დღევანდელი ე. წ. „ახალი წესრიგი“ მიზნად ისახავს ერების ლიკვიდაციას „სამოქალაქო საზოგადოებებად“ მათი გარდასახვის გზით და კაცობრიობის რიცხობრივ შემცირ-

რებას მასობრივი განადგურების იარაღით, ანუ ვირუსულ-პანდემიური ომით პლანეტის მასშტაბით, ფაქტობრივად ვირუსული მსოფლიო ომების გზით (ასეთი პროცესების განსამარტავად სერგი საჯაიამ დაამკვიდრა საგანგებო ტერმინი „დივერსიულ-ეთნოფაბრიკაციული ინდუსტრია). ეს ეტაპი კაცობრიობის ისტორიისა, როდესაც მსოფლიო ასპარეზზე გამოდის ებრაელი ერი არაბეთის უდაბნოდან წამოსული მომთაბარე აბრაამის თემის სახით, საკმაოდ მკვეთრად და ამასთან იგავთმეტყველური იდუმალებით არის აღწერილი ბიბლიაში. ბიბლიის ამ პასაჟებს მე ვუწოდებდი აბრაამის გამოცხადებათა ბიბლიურ ისტორიას, რომელიც ჩვენს თანამედროვეობაში ჰპოვებს ებრაელთა უფლისეული აღთქმის რეალიზაციას, მსოფლიო ხალხებისა და მათი ქვეყნების დაპყრობის შესახებ. ვფიქრობ საინტერესო უნდა იყოს მკითხველისათვის ერთი ეპიზოდი ქართულ-ებრაული გაზეთ „დავითის ფარი“-დან, რომელიც გამოდის ნიუ-იორკში. რამდენიმე წლის წინ, როგორც მახსოვს, 2005 წელს, გაზეთ „დავითის ფარში“ დაიბეჭდა საქართველო-იტალიის კულტურული ურთიერთობათა საზოგადოების პრეზიდენტის, ქალბატონ მარინა ხონელიძის ინტერვიუ გაზეთის რედაქტორთან და მოხდა ისე, რომ საჯარო ბიბლიოთეკის ქართველოლოგიის განყოფილებაში მუშაობის დროს ქ-ნმა მარინამ მთხოვა მისი წაკითხვა და აზრის გამოთქმა.

ინტერვიუში რესპოდენტის ასეთი განცხადება იყო გაკეთებული, რომელმაც თვალი მომჭრა და შემაჩერა, რამდენჯერმე წასაკითხად: **„ებრაელი ერის მისია იყო ჩვენი ცივილიზაციის შექმნა, ებრაელი ერის სადღეისო მისია არისო მიძინებული იბერიული ერის წარმოჩენა.“** როდესაც მარინა ხონელიძეს მივუბრუნდი და დავეკითხე, რატომ გააკეთე-მეთქი ასეთი განცხადება, დაიბნა: სად წერიაო. ნახა, რომ მართლა წერია, როგორც მისი აზრი და განაცხადი და მაშინვე მიპასუხა: ეგ ჩაუმატებიაო კრიხელს – გაზეთის რედაქტორს. ასე ქმნიან, როგორც ჩანს, და ასე ავრცელებენ საკუთარ აზრებს სხვა ადამიანების პირით.

როგორც ვხედავთ, მასონურ-სიონისტური ძალების მეთაურები ადასტურებენ იმ ბიბლიურ სულისკვეთებას, რომლითაც თავიდანვე აცხადებენ ამბიციას ბაბილონის ცივილი-

ზაცის შემდგომი ცივილიზაციის შემქმნელობაზე, **რასაც აქ ემატება მიძინებულობა იბერიული ერისა!..**

უნდა მოგახსენოთ, რომ პირადად მე, დიდი ხანია ჩემს ნაწერებსა და გამოსვლებში, დავარქვე საკუთარი სახელი ამ „მავანთ“, დაწყებული სპარსეთის ყურესთან გამართული ამერიკული ომიდან, რომელიც ან განსვენებულ ბატონ ვახტანგ ხარჩილავას ადრინდელ გაზეთში „მართალი გაზეთი“ დაიბეჭდა, ხოლო 1999 წელს საქვეყნო პროტესტი გამოვუცხადე ჯორჯ სოროსის „სამოქალაქო საზოგადოების“ და ე. შევარდნაძის „მოქალაქეთა კავშირის“ იდეოლოგიას, რისთვისაც დავაფუძნე სრულიად საქართველოს საყოველთაო საკაცობრიო თეოლოგიურ-პოლიტიკური მოძრაობა: **„ერის უფლება და ღირსება“**. გამოვაქვეყნე კონცეფცია ამ მოძრაობისა ქართულ და რუსულ ენებზე. ეკლესიისა და ქართული ელიტარული ნაწილის მხარდაჭერამ ე. შევარდნაძის მმართველობისადმი, დააბნია ქართველი ხალხი და „სამოქალაქო საზოგადოება“ დღემდე არ არის გაძევებული, როგორც ყველაზე დიდი ბოროტება, ჩადენილი ე. შევარდნაძის მიერ. მისეული „მოქალაქეთა კავშირის“ იდეოლოგიით, რომელიც ჯორჯ სოროსის „სამოქალაქო საზოგადოების“ თანხვედრილი თეორია გახლდათ. **ე. შევარდნაძემ ერის თვითმყოფადი განვითარების იდეოლოგია შეცვალა ერის ლიკვიდაციის იდეოლოგიით ისე, რომ ქართველი ხალხის იმ ელიტარულმა ნაწილმაც კი, რომელიც ე. შევარდნაძეს გვერდში დაუდგა, როგორც გამოცდილ პოლიტიკოსს, ვერ გაიგო, რა მოხდა საქართველოში; ეს იყო ე. შევარდნაძის მხრიდან არა მხოლოდ ღალატი, არა მხოლოდ გამყიდველობა ქვეყნისა, არამედ გაბითურება იმ ადამიანებისაც, რომლებიც გვერდში დაუდგნენ ე. შევარდნაძეს საპირისპიროდ დამოუკიდებელი საქართველოს პირველი, – ეროვნული მოძრაობით მოყვანილი პრეზიდენტისა. ამას ემატებოდა განხეთქილება საქართველოს პირველ პრეზიდენტსა და საქართველოს ეკლესიის საჭეთმპყრობელს შორის, რაც ორივე მხარის გაუგებრობაში შეყვანით იყო გამოწვეული ხელოვნურად და ხდებოდა დინების სანინაალმდეგო ეროვნული იდეოლოგიის გარდასახვა**

„დინების თანხვედრილ“ სოროსის სამოქალაქო საზოგადოებად, სრულიად გლობალურად ქართველი ერის მიერ.

ბატონი სერგი საჯაიას ბრწყინვალე დიაგნოსტიკით მიზანი ერთი იყო: „ქართული სახელმწიფოს დამარცხება და ქართული ვინაობის დანაგვიანება.“

„მართალია, ჯერჯერობით საქართველოში ქართველი ერი, მიუხედავად მისი მიღვევადი მდგომარეობისა, რაოდენობრივად უმრავლესობაში გახლავთ, მაგრამ ძალაუფლების მხრივ უკიდურეს უმცირესობაში აღმოჩნდა კი არა, სწორი იქნება თუ ვაღიარებთ, რომ თავის მიწაზე მას არანაირი ძალაუფლება არ გააჩნია“ („განგაში!..“ გვ. 9).

ქართველი ხალხი და ქართველი საზოგადოებრიობა რეაგირების გარეშე ხვდება ქვეყნის, უფრო ზუსტად, ჩვენი ამჟამინდელი სახელმწიფოს პოლიტიკურ-სტრატეგიული პარტნიორი ქვეყნის პრეზიდენტის, ჯო ბაიდენის განცხადებას, რომელსაც ბატონი სერგი საჯაია თავისი „განგაში!“-ის წიგნში მოამწყვდევს და საზოგადოებას მოუწოდებს:

„გაიხსენეთ ბაიდენის დებულება: მე არ მაინტერესებს ეროვნული ცივილიზაციები, კულტურები! მე ვიძიებ ხალხების დამოკიდებულებას უმცირესობებთან. ეს აშკარა და დაუფარავი მხარდაჭერა და ნაქეზება გახლავთ ცალკეულ ქვეყნებში საეთნოდივერსიოდ თვითდამკვიდრებული სათვისტომოებისა თუ სქესობრივ, ან სარწმუნოებრივ უკუღმართობათა წასახალისებლად.“ (გვ. 19).

ქართული საზოგადოება გულგრილად ეპყრობა და რეაგირების გარეშე ტოვებს პარტნიორი ქვეყნების ამგვარ განცხადებებს. ზედმეტია რაიმე მოთხოვნის წაყენება სახელმწიფო ხელისუფლებისადმი. იგი ბაიდენისა და სოროსის ალიანსიდან იმართება და გაყუჩებული ისმენს აშშ-ის პრეზიდენტის, როგორც საქართველოს პარტნიორი ქვეყნის წარმართველი პიროვნების განცხადებას, რომ მას „არ აინტერესებს ეროვნული ცივილიზაციები და კულტურები“.

ეს გახლავთ პირდაპირ ალტერნატიული განცხადება ამერიკის წინარე პრეზიდენტის, ბატონი დონალდ ტრამპის მსოფლმხედველობრივი განცხადებისა: „დაიცავით თქვენი ეროვნული პრიორიტეტები მშობლიურ ქვეყნებში! დაიცავით თქვენი სახელმწიფოებრივი სუვერენიტეტი!“ საქართველომ დაკარგა დონალდ ტრამპის საპრეზიდენტო მმარ-

თველობის ოთხი წელიწადი საკუთარი სუვერენიტეტისა და ეროვნული ინტერესების აღდგენის.

ამიტომ, ცამდე მართალია, როცა ბატონი სერგი დაუფარავად აცხადებს: „ჩვენმა საზოგადოებამ, ჩვენმა საუბედუროდ, დღეს ნაკლებად იცის თავისი ეროვნული ნიშანსვეტი და საკუთარი ვინაობა!“ (გვ. 19).

საყურადღებოა, რომ ბატონი სერგი დიდი მოკრძალებითაა განწყობილი მშობლიური ეკლესიის მიმართ, იმის რწმენით, რომ საქართველოს ეკლესიაში ვერ შეაღწია გლობალისტურმა დანაგვიანებამ ერისამ, ლოგიკურად იაზრებს პანდემიის ღვთითდაშვებულობის უფლისმიერ პოზიციასაც და წერს: „ცხადია, გასაგები მიზეზების გამო, მე ვერ დავინწყებ იმის მტკიცებას, თითქოს კორონა ვირუსი ხელოვნურად შეექმნათ საგანგებო ლაბორატორიებში, მაგრამ მცდელობა, იგი იქცეს ლიბერალისტულ-გლობალისტური ძალების შეთქმულებად ეროვნულ ღირებულებათა წინააღმდეგ, თვალში საცემია...“ და განაგრძობს: „ცხადია, კაცობრიობა, უფალს უნდა ემონაფებოდეს. აქედან გამომდინარე, განსაკუთრებით დღეს, როდესაც მსოფლიო კორონავირუსის პანდემიამ მოიცვა, საჭიროა ჩაფიქრება იმაზე, თუ რა ცოდვის გამო გვეთავზარება იგი ჩვენ. ასეთ ვითარებაში უდიდესი მნიშვნელობა აქვს როგორც ეროვნულ სახალხო სიფრთხილეს, ასევე ნებისმიერი ადამიანის შორსგახედვას“ („განგაში!..“ გვ. 54, 19. 05. 2020).

ცხადია, არაა გამორიცხული, რომ პლანეტარული პანდემია, რომელსაც მსოფლიო საზოგადოებრიობამ „მესამე მსოფლიო ომი“ უწოდა, ხანგრძლივი მზადების შედეგია, როგორც სიონისტური მოძრაობის ერთერთი უმთავრესი ამოცანის განხორციელება **ერების სამოქალაქო საზოგადოებად გარდაქმნის აუცილებლობასთან ერთად**. ამ გადაწყვეტილების, ამ ამოცანის ფორმულირება გახლავთ კაცობრიობის რიცხოზრივი შემცირების გარდუვალი აუცილებლობის ქადაგება მსოფლიოს ე. წ. „ახალი წესრიგის“ იდეოლოგიურ სივრცეში. ამ საკითხს არაერთი საერთაშორისო კონფერენცია ჰქონდა მიძღვნილი, რომლის შედეგად თავად გაერთიანებული ერების ორგანიზაციამ ეგვიპტის დედაქალაქში, კაიროში გამართა დასკვნითი საერთაშორისო კონფერენცია 1994 წლის სექტემბერში, რომლითაც უზრუნველყო გაეროს წევრი სახელმწიფოების მხარდაჭერა კაცობ-

რიობის რიცხოვრივი შემცირების გარდაუვალი აუცილებლობის თაობაზე. ერთი შეხედვით, თითქოს ქართული საზოგადოებრიობისათვის უცნაური ფაქტია, რომ ე. შევარდნაძის პრეზიდენტობის დროს გაერთიანებული ერების გენერალური მდივნის ბუტროს ბუტროს გალის თაოსნობით გამართულ კაიროს კონფერენციის მხარდაჭერაში კაცობრიობის რიცხოვრივი შემცირების აუცილებლობის იდეისადმი, მონაწილეობს საქართველოც. თუ გვეცოდინება, რომ კაიროს კონფერენციის ოფიციალური დოკუმენტაცია გამოქვეყნებულია ინტერნეტ გვერდებში, მის მოძიებას ალარაფერი უნდა ერთ ლილაკზე ხელისდაჭერის გარდა.

ჩვენ აქ თავს შევიკავებთ უფრო მეტად ჩალრმავებისაგან შურისძიების იმ შინაარსზე, რომელსაც ჩვენ მივაგენით ქრისტიანობის წინააღმდეგ მიმართულ შურისძიებაზე კაცობრიობის რიცხოვრივი შემცირების გამოგონილი იდეასთან ერთად. მაგრამ უსათუოდ დავასკვნი, რომ ქართველმა ხალხმა უნდა იცოდეს: **ე. შევარდნაძემ მხარი დაუჭირა საქართველოს და ქართველი ხალხის სახელით არა მხოლოდ ქართველი ერის ეროვნებად ყოფნის ლიკვიდაციას, არამედ კაცობრიობის 8 მილიარდის განადგურებასაც, რასაც არასოდეს ჩაიდენდა ზვიად გამსახურდია.** ასეთი გახლავთ ბატონ სერგი საჯაიას მიერ „კოლხური კოშკის“ მსოფლმხედველობად სახელდებული შინაარსი.

ამიტომაც გააძევა მსოფლიოს მასონურ-სიონისტურმა ძალამ საქართველოს პირველი პრეზიდენტი და არა მისი პიროვნული შეცდომებისათვის, რისი გაცნობიერებაც ქართული საზოგადოებრიობის მიერ დღეს არის უმთავრესი ამოცანა, რადგან ამ რეალობის გაცნობიერების გარეშე საქართველო ვერ დაიბრუნებს თავის სამშობლოში საკუთარ ვინაობას.

სრული სიზუსტით ასკვნის ბატონი სერგი საჯაია ზვიად გამსახურდიას განდევნის შედეგს, როგორც დამლუპველ პოლიტიკურ აქტს ქართველი ერის სიცოცხლისათვის:

„ჩვენ ქართველები, მას შემდეგ, რაც ჩვენივე წინგაუხედაობით ეროვნული ხელისუფლება განვდევნეთ, დავეშვით იმ დონემდე, რომ ჩვენს გარშემო მიმდინარე თავსმოხვეულ მოვლენებს თუ საძრახ შემოთავაზებებს დიდი ხალხისით ვაძლევთ საშვს საზოგადოებრივ მიმოქცევაში ფეხმოსაკიდებლად“.

იქვე ბატონი სერგი აღნიშნავს: „არ გვჯერა, არ გვწამს ჩვენი სრულფასოვნების. ეს ურწმუნოება გვიმახინჯებს გონებას, რის გამოც რთული ვითარების აღქმა-შეფასება და შესაბამისი წინგახედული განაბიჯების უნარი წაგვერთვა.“ (გვ. 67).

მძვინვარე ვითარებას, რომელიც საქართველოში იკიდებს ფეხს, ბატონმა სერგიმ ქართველი ერის საეთნოფაბრიკაციო დივერსია უწოდა, ანუ გადაზელვა ქართველი ერისა, როგორც ეთნოდივერსიული ნედლეულისა ჯორჯ სოროსის სამოქალაქო საზოგადოებად, ე. ი. ადამიანების უვინაო მოქალაქეობრივ ერთობად.

ამასთან დაკავშირებით, ბატონ სერგი საჯაიას არ გამორჩენია მხედველობიდან ჩემს მიერ ქართული ქრისტიანულ მონასტრული ისტორიული ლაბირინთებიდან ამონერილი განსაზღვრება ქართველი ერისა, როგორც „ახალი საღმრთო ერის.“

არ შემიძლია ხაზგასმით არ აღვნიშნო, რომ **ბატონმა სერგი საჯაიამ პირველმა მიაპყრო ამ ფორმულირებას ყურადღება**, როდესაც მე „9 აპრილის“, როგორც მოვლენის შეფასება მომიხდა რადიო ეთერით, ხოლო შემდეგ ჩემი რადიო გამოსვლა გაზეთში გამოქვეყნდა, როგორც ანალიტიკური წერილი, სათაურით: „**ახალსა ამას ერსა საღმრთოსა**“. უნდა ვაღიარო, რომ ეს ფორმულირება ამ დროისათვის ჩემი საიდუმლო კვლევის საგანი იყო და არ მიმითითებია, რომ იგი გიორგი მთანმინდელს ეკუთვნოდა. სათაური მხოლოდ ბრჭყალებში იყო ჩასმული, როგორც ციტირება სტრიქონისა, რომელიც არაფერ შუაში იყო „9 აპრილის“ მოვლენასთან. ეს ჩემი სუბიექტური განცდა იყო მხოლოდ, რასაც მისწერი გუმანით, რაღაც მისტიური ინტუიციით ვგრძნობდი, რომ 9 აპრილს მშვიდობიან, სანთლებით გაბრდღვიალებულ, მლოცვარე და მგალობელ აქციას, რომელიც კონსტიტუციური უფლებით იყო უზრუნველყოფილი, ამ ტანკების გრიალით თავდასხმა რუსეთის გზით უცნობი და უხილავი ძალისა ქართველ ერზე, როგორც ახალ საღმრთო ერზე. ეს აზრი განსაკუთრებით გამიძლიერდა როდესაც აფხაზეთიდან 300 ათასი ქართველი მოსახლის ესოდენ მონოლითური გამოდევნა შესდგა. რაღაც ბიბლიურ ეპიზოდს მაგონებდა ჭუბერზე გადმოსვლა. უნდა აღვნიშნო, რომ არავის შეუნიშნავს, ყოველ შემთხვევაში ჩემამდე არა-

ვის შემჩნევა არ მოსულა წერილის სათაურისა, რომელიც ასე იწყებოდა: **„ყოველ ერს თავისი საკუთარი ღვთისებოძე-ბული მისია აქვს, და ეს მისია ღვთისგანვე იმართება...“**

ოცი წელიწადი იყო გასული ამ წერილის გამოქვეყნებიდან, 2009 წელი გახლდათ, 2008 წლის აგვისტოს ომის შემდგომი პერიოდი, როდესაც აფხაზეთის დევნილი ლეგიტიმური ხელისუფლების რეზიდენციაში მომიხდა მისვლა, როგორ ივანე ჯავახიშვილის სახელობის თბილისის სახელმწიფო უნივერსიტეტის საზოგადოებრივი გაერთიანების: „ეროვნული პრობლემების ანალიტიკური დარბაზის“ დამფუძნებელსა და ხელმძღვანელს, აფხაზეთის ლეგიტიმური ხელისუფლებისათვის ჩვენი დარბაზის სახელით მომზადებული კანონპროექტის წარსადგენად საპარლამენტო განხილვისათვის.

კანონპროექტი ცნობილი იურისტის, კანონშემოქმედების სპეციალისტის, პროფესორ ოთარ გამყრელიძის მეთვალყურეობის ქვეშ იყო მომზადებული სათაურით, **„საქართველოს სახელმწიფოს მიერ ვერკონტროლირებადი ტერიტორიების ეკლესიურ-ეპარქიული მმართველობის შესახებ“**.

აფხაზეთის ლეგიტიმური ხელისუფლების რეზიდენციაში მისვლისთანავე, როგორც კი გაიგეს მიზეზი ჩემი მისვლისა, ჩემთვის სრულიად უცნობ სერგი საჯიასთან წარმადგინეს, როგორც აფხაზეთის ხელისუფლების საზოგადოებასთან ურთიერთობის დეპარტამენტის თავმჯდომარესთან.

ბატონმა სერგიმ ხელის ჩამორთმევასთან ერთად ყოველგვარი შეკითხვისა და მისალმების ფორმის ნაცვლად მომახალა: „თქვენ აღმოაჩინეთ **„ახალსა ამას ერსა საღმრთოსა“**. რა თქმა უნდა, გამიხარდა. ბატონი სერგი ის პირველი ადამიანი იყო, ვისაც 20 წლის წინ გამოქვეყნებული ჩემი წერილის სათაური „ახალსა ამას ერსა საღმრთოსა“ ახსოვდა და ისიც ახსოვდა ვინ იყო ავტორი ამ სტრიქონისა. ამ ფაქტმა მისი შემოქმედებით დამაინტერესა და მეც აღმოვაჩინე, რომ **აფხაზეთსაც და საქართველოსაც თავისი „ჭყონდიდელი“ ჰყოლია. ეს სერგი საჯაია გახლავთ** (შემდგომ გავიგე, რომ დევნილობაში მყოფ პრეზიდენტ ზვიად გამსა-ხურდიას მან მიანოდა ეროვნულ-გამათავისუფლებელი მოძრაობის მსოფლმხედველობრივ პროგრამად „ეროვნულ-სახალხო მოძრაობა „ჭყონდიდელი“). ბუნებრივია, ბატონ სერგის მხედველობას არ გამოორჩებოდა და ერთგვარად გახმაურებული

ჩემი წიგნი: „**გიორგი მთაწმინდელის წინასწარმეტყველება ქართველი ერის შესახებ**“, რომელიც არსებითად ამ ფორმულის: „**ახალსა ამას ერსა საღმრთოსა**“ ჩემეული კვლევა და განმარტება იყო. წიგნი გამოსაცემად 2011 წლის მინურულს უკვე მზად იყო, მაგრამ გამომცემლობის დირექტორმა, ბატონმა გოჩა ხარებავამ ისურვა, ბარემ ახალი წლის თარიღით გამოგვეცა და დავთანხმდი.

ბატონმა სერგიმ თავისი წერილით ჩემს წიგნზე: „**გიორგი მთაწმინდელის წინასწარმეტყველება ქართველი ერის შესახებ**“ საგონებელში ჩამაგდო.

*„**დებულება ქრისტესმხედრულ ვინაობაზე, ანუ „ახალსა ამას ერსა საღმრთოსა**“ - როგორც უკვე გითხარით, ასეთი გახლდათ ბატონი სერგის გამოხმაურების სათაური ჩემს წიგნზე: „**გიორგი მთაწმინდელის წინასწარმეტყველება ქართველი ერის შესახებ**“.*

სანამ სიტყვას განვაგრძობდე, უნდა მოგახსენოთ, რომ ბატონი სერგი საჯაია, როგორც იშვიათი მოქართულე, ხშირად მაგონებს იმ მოქანდაკეს, რომელიც ცდილობს ააღორძინოს ქართული სული და ახალი სიტყვებითა თუ ცნებებით შეიარაღოს იგი.

ასე მაგალითად, აღმოჩნდა, რომ როდესაც ჩემი „**გიორგი მთაწმინდელის წინასწარმეტყველებას**“ გაეცნო, იგი განმარტა როგორც „**კოლხური კოშკის მსოფლმხედველობის**“ განგრძობა და ამისათვის შექმნა სახეზოგადი ცნება - „**ამთერგღრიალებელი განიშანსვეტება**“.

იგი საგანგებოდ ამტკიცებს, რომ „**დავით აღმაშენებლის უარი ბიზანტიის კურაპალატობაზე, გახლდათ არა ამპარტავნული თვითდამკვიდრების მცდელობა, არამედ, ეს იყო განცხადება ქრისტესმხედრული მოვალეობის გაპიროვნებაზე**.“

სწორია, ამით მოხდა საზოგადოებრივი ცნობიერებიდან ქვეშევრდომელი სულის გაძევება სრულიად საქართველოს გონითი განფენის სივრციდან.

ეს კი სხვა არაფერია, თუ არა ზნეობრივი კვარცხლბეკი მესიის მახვილისა, ანუ სულიერად და პოლიტიკურად დამოუკიდებელი სახელმწიფოს ამლორძინებელი წინამძღოლის გზა იგი, რომელიც, ამავე დროს, უფლის დასტურისა და სახალხო ნების შესაბამისად „**ძლევაი საკვირველის**“ გამომჭედად იქცა.

თვით „ძღვევაი საკვირველი“ კი გახლავთ საშუალება სრულიად საქართველოს გამუხლმაგრებისა ძალისხმევად „ახალსა ამას ერსა საღმრთოსა...“

ბატონი სერგი საჯაიას შეფასებითა და მის მიერ დადგენილი ტერმინით - „**კოლხური კოშკის“ ცნობიერება**“, სწორედაც რომ ზუსტად არის მონიშნული ამ მსოფლ-მხედველობისა და ძალისხმევის წმინდა ილია მართლისეული შემდგომი რეგლამენტი საქართველოს ეროვნულ-გამათავისუფლებელ მოძრაობაში.

ამის საწინააღმდეგოდ, როგორც ბატონი სერგი საჯაია მართებულად ასკვნის, დღევანდელი მსოფლიოს ე. წ. წესრიგი, ანუ აგრესიული გლობალიზმის ძალადობა, თავისი „სამოქალაქო საზოგადოების“ თეორიის დამკვიდრებით, საქართველოში ეწევა ქართველი ერის ეთნოფაბრიკაციას, ანუ სანედლეულო გადაზღვრას ქართველი ერისას უვინაო მასად, მეტიც, ეს გახლავთ ერთიანი გენეტიკური ერთობის, როგორც ეროვნული დედანი შინაარსის გარდასახვა უვინაო კონგლომერატად, რაც ეროვნული მეობის დამარხვას ნიშნავს. აქედან გამომდინარე, ეს ეთნოფაბრიკაცია ქვეცნობიერად გაიაზრება ჩვეულებრივ დანაშაულზე აღმატებულ დანაშაულად. ეს კი იგივე სიონისტური მოძრაობაა, რომელიც თავისი მიზანდასახულობით დღეს მსოფლიოს აბრაამის იმპერიად გვიქცევს. ასეთი პლანეტარული რეალობა, პირველ რიგში **მიზნად ისახავს თავისი გამოგონილი ცნობიერებით გააქროს და დამარხოს გიორგი მთაწმინდელის ახალი საღმრთო ერი.**

ყოველგვარი გადაჭარბების გარეშე ვამბობ, დღეს ბატონი სერგი საჯაიას სახით „**კოლხური კოშკის**“ მსოფლ-მხედველობას ჭკვიანი, მტრის ილეთების ზედმიწევნით მცოდნე და ერთგული მეციხოვნე ჰყავს.

ვულოცავ მას 75 წლისთავს. ღმერთმა ორი მაგდენი დააბედოს, რადგან ეს კაცი სჭირდება საქართველოს!..

8. 10. 2022 წ.

წერილი დაიწერა საგანგებოდ წინამდებარე კრებულისთვის.





„მარად და ყველგან, საქართველოვ“...

მანანა ტაბიძე

*ფილოლოგიის მეცნიერებათა დოქტორი,
პროფესორი*

ბატონმა სერგი საჯაიამ კიდევ ერთი წიგნი მოამზადა გამოსაცემად. ესაა წიგნი მხილება. წიგნი საქართველოს უახლეს ისტორიულ პროცესებზე, წიგნი საქართველოზე.

სტრიქონებს შორის ავტორის ბიოგრაფია იკითხება. ის არის მოწმე იმ მოვლენებისა, რომელთაც კვალი დატოვეს ჩვენი ქვეყნის უახლეს ისტორიაში. ბატონი სერგი საჯაია მონაწილეობდა ქართული ეროვნული მოძრაობის ყველა მნიშვნელოვან ისტორიულ პროცესში. იმყოფებოდა აფხაზეთსა და სამეგრელოში მაშინ, როდესაც იქ უსამართლობის ჩარხი დატრიალდა. მისი მონათხრობი არაა მხოლოდ დოკუმენტალისტის ნაამბობი ისტორიები, არამედ ესაა „შიგნიდან“ დანახული მოვლენები და მათი მიზეზ-შედეგობრივი კავშირები; დღეს პოლიტიკურ მეცნიერებებსა და პრაქტიკაში ხშირად გაიგონებთ, რომ ამა თუ იმ საკითხის ემოციური შეფასება არაობიექტურობის ნიშანია, და ე. წ. პირუთვნელი მსაჯული ისაა, ვინც გულგრილია პრობლემის მიმართ. ანუ, ცოტაოდენი უტრირებით, გულგრილობა ობიექტურობაა. ვაი რომ, ამ „თავმოსაწონი გულგრილობით“ გადაწყდა ჩვენი ტერიტორიების გასხვისების, ეროვნული იდეალების დათმობის, სარწმუნოებრივი და ტრადიციული ღირებულებების დაგმობის არაერთი საქმე...

ბატონ სერგი საჯაიას წინამდებარე წიგნი გულგრილობის ნატამალსაც ვერ იპოვით. და რამდენადაც პოლიტიკოსებისა და მათი მამებელი, და მათგან ნამები, მეცნიერების ობიექტური გულგრილობის შედეგები დღეს სახეზეა, ვფიქრობ, ეს წიგნი მონატრებულ გულშემატკივრობასთან შეგვახვედრებს და დაგუბებულ ცრემლსა და განცდას მანუგემებელ გამოსავალს მისცემს.

ამ წიგნში გაცხადებულია ვერაგობის ნამდვილი სახე, მზი-
ლებულია ავი საქმეები, რომლებიც სიკეთის ნიღბითა და
სიკეთის სახელით იხლართება.

ჩვენ წინაშეა ძალიან რთული და სულისშემძვრელი წიგნი.
მისი ავტორის მდიდარი და ხატოვანი ქართულის მიუხე-
დავად, ძნელად წასაკითხი და აღსაქმელი, რადგან ყოველი
სტრიქონი ემოციურად გვტვირთავს, გვაკრთობს და გვა-
ღელვებს. ძალიან ბევრი ასოციაცია ჩნდება, ძალიან ბევრი
ტკივილი მოდის მისი ფურცლებიდან, ძალიან მწარეა
გულისდაწყვეტა...

ამ წიგნს მარტივად ვერ გადაიკითხავ, ის მოითხოვს
ფიქრსა და თანატანჯვას.

აქ არის ამბავი იმისა, თუ როგორ აჩვევევენ ჩვენს ყურსა და
თვალს სამეგრელოს არაქართულობას, როგორ აცხადებენ
ინტელექტუალთა დემაგოგიას მეცნიერებად და სიბრძნედ,
როგორ ეუბნებიან მეგრელებს ქართველები არა ხართო, რო-
გორ ეუბნებიან დანარჩენ საქართველოს სამეგრელოს სიავესა
და უცხოობას, როგორ ამტკიცებენ მავანნი საქართველო სა-
მეგრელოში ოკუპანტიანო!.. როგორ გვიბნევენ გონებას, როგ-
ორ გვიყალბებენ ისტორიას, როგორ გვართმევენ მიწა-წყალს
აღმოსავლეთშიც, დასავლეთშიც, მთაშიც და ბარშიც...

ავტორი ჩვეული პირდაპირობით ამხელს მათ, ვისაც
ურჩევნია ამ ბოროტებას თვალი დაუხუჭოს, ვერმიძხვდა-
რობა მოირგოს და თავისი პასიურობა და სიმბდალე იმით
ახსნას, რომ საშიში არაფერია, განგაში გადაჭარბებულია,
თორემ მართლაც რომ არსებობდეს საფრთხე, თავადაც იბრ-
ძოლებდა, რბილ და თბილ სავარძელზე უარს იტყოდა,
თავადაც გმირად იქცეოდა, უბრალოდ, ახლა გმირობის საჭი-
როებას ვერ ხედავს. მათ, სწორედ მათ მიმართავს ბატონი
სერგი, როდესაც აცხადებს: „*ასეთ შემთხვევაში იმათ, ვისაც
მართლა ჰგონია, რა მოხდა, მერეო, ვპასუხობ: მოხდა ის, რომ
დღეს საქართველო ევრო-ატლანტიკური ლიბერასტობისა და
ველიკოდერჟავულ დამჩქეებლობათა გარიგებით დაადგი-
ნეს საეთნოფაზრიკაციო ინდუსტრიის პოლიგონად, სადაც*

ახალი მიზნობრივი ნაციების შესაქმნელად საეთნოდივერსიო ჭურვები სახელმწიფო პოლიტიკისა და მკაცრად მონიშნული გეგმით ყოველმიზეზგარეშე უნდა დამზადდეს.

ასეთი იარაღის სამიზნეა 1. მართლმადიდებლური ეკლესია; უნდა მოხერხდეს მისი სახელგატეხვა, კორუფციაში ჩათრევა, მიწიერ საცდურებთან მიატება და ერთიანობის დაქუცმაცება; 2. საქართველოს დღეთისმშობლისწილხვედრილობა; ქვეყნის გიორგიანული, ქრისტესმხედრული წესრიგისა და, რაც მთავარია, ქართველი ერის ლასკარული მხოლოდშობილების გაცამტვერება, ხოლო ერის მრავალხმიანობის ერთჰანგობა ფესვებშივე ჩაიწაღდოს უნდა.

მიზნის მისაღწევად დადარაჯებული მტერი ცდილობს ქართულ მხარეთა „დაქუცმაცება-გასხვაქვეყნებას“, ხოლო აქაური მკვიდრი მოსახლეობის თავისებურებათა სეპარატიზაციით სახელდახელო ნაციის, - ანუ თავის ვინაობასთან მიმდგომელი ეთნოგენმოდიფიცირების გამოინკუბატორებას.

ამიტომ სჭირდება ამაირ საკითხებზე ყველა ნაბიჯსა და ნათქვამს ათასჯერ აწონ-დაწონვა და ერთხელ გადაჭრა.“

დავეთანხმები ბატონ სერგის და ვიტყვი, რომ სიცრუის მხილებას უდიდესი მნიშვნელობა აქვს. თანამედროვე ადამიანი თავისი პირადული საზრუნავის, განათლების დეფიციტისა და გაუცხოების სინდრომის მოძალების გამო თავის ვიწრო თვალსაწიერს მიღმა ვერ იხედება და იმ მოვლენათა შემჩნევასა და გააზრებას ვერ ახერხებს, რომელთა გამოც სჭირს უამრავი უბედურება; ხოლო ვიდრე მიზეზთა მიზეზს ვერ ჩავწვდებით, საქმის სასიკეთოდ შემობრუნებასაც ვერ შევძლებთ. ამიტომაც უდიდესია ღვაწლი იმ ადამიანებისა, რომლებიც სიმართლის ძიებაში მოსვენების უფლებასაც კი არ აძლევენ თავს, მათ შეიძლება განმმართველებიც ვუწოდოთ; ისინი გამოწვლილვით სწავლობენ საკითხს, დაუღალავად იკვლევენ ისტორიულ მაგალითებს, პარალელებს ავლებენ, მახევარსიმართლეს სრულ სიმართლედ აქცევენ და გულისტკივილით, და ერთგვარი თანაგრძნობითაც კი, ამხელენ ცრუმქადაგებლებს, ფარისევლებსა და უკუღმართ

მწიგნობრებს. მკაცრად გამოხენ ღალატს და მთავარ კრიტიკურულად მამულს, ენასა და სარწმუნოებას იმარჯვებენ. ეს სამი უტყუარი საზომი არასოდეს შეგვიყვანს შეცდომაში; ეს სამი უტყუარი სანთელი ნებისმიერ ბნელს გაანათებს და ჭეშმარიტებას შეგვაცნობინებს. ბატონი სერგი საჯაია ამ სანთლებით მიიკვლევს გზას და ჩვენთვისაც ანათებს ბნელს. რაც უფრო „ძნელდება ომი“, მით უფრო დიდია პასუხისმგებლობა და ტვირთი. ამ ტვირთზე უარის თქმა ღალატის ტოლფასია. ჩვენ გვიყვარს და გვეამაყება ჩვენი წარსული, თუნდაც მეცხრამეტე-მეოცე საუკუნეების საქართველოს პოლიტიკური და კულტურული მიღწევები, გამორჩეული გმირები და მოღვაწეები; ისინი გვაფიქვებენ, რამდენმა ქართველმა დაიჩოქა იმპერიის წინაშე, რამდენმა იომა სხვის ომებში ჩვენი ქვეყნის მტრის გვერდით, რამდენმა გაცვალა ჩვენი მიწა-წყალი „შაჰის ხალათზე“, რამდენმა ვერ გაიგო ილიას, კონსტანტინე გამსახურდიას, გრიგოლ რობაქიძის, ზვიადის, მერაბის ფასი... დიახ, იდეალური ქვეყანა და ყოვლად შეგნებული საზოგადოება არცერთ ქვეყანას არასოდეს არ ჰყოლია, მაგრამ თუკი ყოველ ისტორიულ მომენტში ქვეყნის გულშემატკივარი თითო-ოროლა ადამიანი მაინც გამოერევა, მათი წყალობით ქვეყანა გადარჩება, ერის ღირსება იქნება დაცული შემდგომი ისტორიული ეტაპის დასაწყებად.

გადაჭარბებად არ მეჩვენება იმის აღნიშვნა, რომ ბატონი სერგი საჯაიას წინამდებარე წიგნი ამგვარი გადამრჩენელთაგანია, დიდი, მოღვაწე ადამიანის მიერ დაწერილი. ის უთუოდ იპოვის თავის მკითხველს, რომელიც მიწოდებულ სამ სანთელს ხელში აიღებს და ბნელი ლაბირინთიდან გამოსასვლელ გზას გააგრძელებს.

ბატონი სერგი საჯაია იმ თვალსაზრისებს ეხმიანება, რომლებიც საქართველოსთვის საჭირბოროტო საკითხებს საჯაროდ განიხილავენ და ტყუილ-მართლის გამიზნული შეზავებით მცდარი დანასკვისაკენ ეძალებიან მკითხველსა და მსმენელს. როგორც წინამდებარე წიგნიდან ჩანს, ამგვარი სტატი-

ები და წიგნები, გადაცემები და საჯარო გამოსვლები ცოტა არ არის. ბატონი სერგი ფხიზლად ადევნებს თვალს ყველა ამგვარ მცდელობას, სიღრმემდე მიჰყვება ყველა როყოდ ნათქვამ სიტყვას და შორი თუ ახლო ისტორიის გამოცდილების, ანალოგიების მოხმობით ცდილობს არა მხოლოდ დღევანდელი მოცემულობის დიაგნოსტიკას, არამედ იმ შედეგების განჭვრეტასაც, რომელიც შეიძლება დადგეს, თუკი ამ იდეოლოგიურ მაქინაციებსა და დემაგოგიაში დროულად არ აღმოვაჩნთ ავისმომასწავებელ სიმპტომებს.

ცხადია, არა მხოლოდ სახელმწიფო მანქანა, არამედ მსოფლიო პოლიტიკური პროცესებიც ერვნილი სახელმწიფოების წინააღმდეგაა მიმართული, მსოფლიოს საგანმანათლებლო სისტემაზე სიყრმიდანვე ზრდის და წვრთნის რჯულისა და მამულის წინააღმდეგ მოქმედ ადეპტებს, ძლიერთა ამა სოფლისათა მხრიდან არასოდეს და არავინ არ დაეხმარება დინების წინააღმდეგ მოძრავ ადამიანებს, ყველა ხელს უშლის მათ ერთიანობას, მათი ავტორიტეტის ზრდას ხალხში, მათ წარმატებასა და ცხოვრებისეულ კეთილდღეობას...

გასაოცარია, მაგრამ ფაქტია, რომ ეს დამაშვრალი, შეუპოვარი მამულიშვილები მაინც არ ისვენებენ, მაინც არ ცხრებიან, ბოლო ამოსუნთქვამდე სიმართლისათვის მებრძოლის ხვედრს მიჰყვებიან, ასეთები ამ სოფლიდან წასვლის შემდეგაც კი განაგრძობენ ბრძოლას თავისი სახელებით, თავიანთი წიგნებით, თავიანთი სიტყვებითა და, ღმერთმა უწყის, საიდან აღმოცენებული მიმდევრებით...

სერგი საჯიას წიგნში შეფასებულია ყველაფერი, რაც ხდება საქართველოში. მათ შორის იქედნურად მოაზროვნეთა შეცდომების გარდა მათ მიერ წამოსროლილი თუ წამოცდენილი სიმართლეც. ეს სიმართლე ხშირად გამიზნულად და ზუსტად იმ დოზითაა ნათქვამი, რომლითაც საზოგადოების კეთილშობილურ ნაწილს დროებით მაინც შემოიკრებს რომელიმე მცდარი და საზიანო იდეის განხორციელების საქმეში გასასვრელად და ჭეშმარიტი, მამულიშვილური გზიდან ასაცდენად, ამ მოქმედებებში ის იდეაცაა

ჩადებული, რომ მერე, როდესაც ჩადენილი ბოროტება გაცხადდება (ეს კი ყველამ ვიცით, რომ გარდაუვალია), სინამდვილეში შემცდარმა (მაგრამ არა დამნაშავე) ადამიანებმა არა მხოლოდ სხვისი დანაშაულის ვერგამოცნობის შეცდომაზე პასუხისმგებლობის მტანჯველი განცდით განაგრძონ ცხოვრება, არამედ კიდევ ერთი მარცხით გამოწვეული დეპრესიის გამო სამუდამოდ თუ არა, ხანგრძლივი პერიოდით მაინც ვერ შეძლონ სიმართლისათვის ბრძოლა, და იქედნეს თავისი ბნელი საქმეებს კეთებაში ხელი ვერ შეუშალონ.

სამწუხაროა, მაგრამ ამჟამადაც ამ შესანიშნავ წიგნს ბევრი პერსონალიათა კრიტიკად გაიგებს და წაიკითხავს და არა საქართველოს ჭირ-ვარამის სწორი ანალიზის აუცილებელ პირობად. ილია ჭავჭავაძესაც ასე უწევდა თავისი კრიტიკული წერილების აწყობა. ზოგადი ღალატი და ზოგადი ქვეგამხედვარობა ხომ არ არსებობს, ღალატსა და ეგოცენტრიზმს სახელები და გვარები აქვს... ეს სახელები უნდა ითქვას... რათა არავის ჰქონდეს ილუზია, რომ მის ანგარებასა და მუხთლობას ვერავინ გაიგებს.

ცხადია, ყველას გვესმის, რომ მწვავე საკითხებზე საუბრისას მწვავე დაპირისპირებებია მოსალოდნელი. რამდენიც არ უნდა უკიჟინონ საქართველოს მტრებმა საქართველოს ქომაგებსა და გულშემატკივრებს, რომ ისინი საკითხებს ხელოვნურად აპოლიტიკურებენ, სიმართლეს ამრუდებენ, ფსევდომეცნიერულ აზრებს ავრცელებენ და ა. შ., ფაქტი მაინც ფაქტად რჩება – ერთ მხარეს ილიაა, აკაკი, ვაჟა, გალაკტიონი, კონსტანტინე გამსახურდია, ზვიადი, მერაბი და მთლიანი, ერთიანი საქართველო, მეორე მხარეს კი ისინი არიან, ვისთვისაც საქართველო კუთხეებადაა დაქუცმაცებული, ცრუმწიგნობართა მიერ უკუღმართად წაკითხული ისტორიით, „ხმათა ხავერდებისა და ღმერთების ენის“ გარეშე დარჩენილი – იქ არ არის ქართლის ცხოვრება, ქართული ჰაგიოგრაფია, შოთა რუსთაველი, დავითი და თამარი, გიორგი ბრწყინვალე, ქართული პოლიფონიური მუსიკა, ოპიზრე-

ბი და ქართული ხუროთმოძღვრება, სასაქართველოო დიდგორები და ბაბტიონები, იქ არაფერი არ არის, იქ არავინაა...

უღრმესი მადლობა ბატონ სერგი საჯაიას, რომ იმ არარაობისკენ გადაჩეხვის საფრთხეში მყოფთ ხელი შეაშველა, აზრი გაუნათა, გული გაუკეთა და საქართველოსთვის უწყვეტი მარადიული ბრძოლის ამ ისტორიულ მომენტში მკაცრი და უდრეკი მეციხოვნის ტვირთი იტვირთა.

დაიბეჭდა წიგნში „გულსმიწერაქვებული ახავაი, ანუ წინგაუხედავად ყურდანშობილი საზოგადოება“, თბილისი, 2019 წ.





მებრძოლად დაბადებული

მიხეილ ლაბაძე,
ფილოლოგიის დოქტორი

ბატონი სერგი (გიორგი) საჯაიას წიგნზე „გულსმიწერაქვებული ახავაი, ანუ წინგაუხედავად ყურდახშობილი საზოგადოება (რაგადობანი 2)“, რომლის რედაქტორობაც მე მხვდა წილად, ეგებ ეს პატარა წინასიტყვა არც დამეწერა - ავტორი თავადაც მშვენივრად ამბობს სათქმელს (თუნდაც მარტო სათაურით); თუმცა, როდესაც წიგნი რამდენჯერმე გადავიკითხე. გულმა მაინც საწერად გამიწია და უცებ, რასაც ვვიქრობდი, ის დავწერე:

ბატონი სერგი აფხაზეთის ძირძველი მკვიდრი გახლავთ. მისივე სიტყვებით რომ ვთქვათ „ძალიან მშვიდობიანი ხელობის კაცი - ერთ დროს საშუალო სკოლის მასწავლებელი და დღეს მწერლობა მოპიროვნებული, ასევე 1992-1993 წლების ჩვენთვის სამამულო ომის ვეტერანი“. ისევე როგორც მის მის მხატვრულ ნაწარმოებებში, აქაც - ამ წიგნშიც, ძალუმად იგრძნობა ის აფხაზეთი, რომელიც ყოველი ნამდვილი ქართველის გულში სულ ცოცხლობდა, ცოცხლობს და იცოცხლებს მარად, როგორც ერთიანი, განუყოფელი საქართველოს მესამირკველე.

ყველაფერი, რასაც ბატონი სერგი ამ წიგნში რაგადობს („რაგადობა“ - საუბარი ალერსივით. საბა), კარგადაა ნაცნობი არა მარტო მისი კუთხის, არამედ - ზოგადად, ყოველი ქართველისთვის თუ არაქართველისათვის: ჩვენ ყოვეთვის ბრძოლა გვიწევდა, გვიწევს და მოგვიწევს ყველა მიმართულებით - ბრძოლა გადარჩენისა და თვითდამკვიდრებისათვის. მთელი ჩვენი ისტორიაც ხომ ასეთი ბრძოლაა და სანამ ვიბრძვით - იქამდე ვიცოცხლებთ.

ჰოდა, ყოველი ქართველი - თუნდაც ძალიან მშვიდობიანი ხელობის კაცი იყოს - იმთავითვე მებრძოლად, ანუ **ქრისტეს მხედრად** იბადება. რაც უნდა ყურდახშობილი იყოს საზო-

გადოება, მას გულს მიწერაქვებული ახავაი უთუოდ გამოაფხიზლებს – მით უმეტეს მაშინ, თუ ამ ახავაის აბჯარშემოლეწილი, მაგრამ მაინც უდრეკი აფხაზეთის მკვიდრი დასძახებს.

დაიბეჭდა წიგნში „გულსმიწერაქვებული ახავაი, ანუ წინგაუხედავად ყურდახშობილი საზოგადოება“, მე-2 ნაწილი, თბილისი, 2019 წ.



სიტყვით მხატვრობის ოსტატი

მიხეილ ლაბაძე,

სერგი საჯაია სიტყვით მხატვრობის იმ ოსტატთაგანია, რომელთაც ძალუმთ, მკითხველი სულის სიმების ერთი შერხევით გამოაფხიზლონ. ამას დარწმუნებით ვამბობ, რადგან საკუთარ თავზე მაქვს გამოცდილი ბატონი სერგის ნაწერების ზემოქმედება. ისიც ვიცი, რომ ყველა, ვინც მისი ნოველების ამ პატარა, მაგრამ უდავოდ მრავლის დამტკვევლ წიგნუკას წაიკითხავს, მყისვე დამეთანხმება და თანაც, კმაყოფილი, ოდნავ სევდანარევი ღიმილით.

„ახალნათოვზე სისხლიანი ამონახველით მივიკვლევ გზას, იქნებ ვინმემ - თემშარას აცდენილი თაობიდან, ეროვნული საფიხვნოსკენ მიაგნოს სვლაგეზს“, - წერს თავად ბატონი სერგი ნოველების კრებულის წინასიტყვაობაში. უფრო უკეთ რომ ვთქვათ - ხატავს, რადგანაც კაცი, რომელიც ამ სტრიქონებს წაიკითხავს, გონებაში უთუოდ მრავალს რასმე წარმოიდგენს. მე, მაგალითად, ვაჟასეული, **ლაშარის გორზე აღმავალი ლუხუმი** წარმომიდგა თვალწინ და მომინდა, თან გავეყოლოდი მას.

„სისხლად ამონახველი მწუხრისბჭობა ახალნათოვზე“ სულ ამგვარ - სიტყვით დახატულ ნოველებს შეიცავს, თანაც აფხაზეთს და მის ძირეულ მკვიდრ ქართველობას ეძღვნება. მიძღვნა მიძღვნად და, უნდა ვთქვა, რომ აფხაზეთზე ბევრი

წიგნი დაწერილა, ბევრი იწერება და ბევრიც დაიწერება, ღვთის წყალობით: მამებმა იბრძოლეს და ზედაც შეეღწნენ მტერს ჩვენი იმედით. ჩვენც ვიბრძვით და დღეს თუ მომხდურს შევეღწეებით, სულ ერთია - გამარჯვებას ხვალ მაინც ჩვენი შვილები იზიემებენ. ჰოდა, სანამ ვიბრძვით - იქამდე ვცოცხლობთ და ვქმნით.

რაკი ასეა, ბარემ აქვე იმასაც ვიტყვი, რომ სანამ ვცოცხლობთ, ვიბრძვით და ვქმნით, მუდამ ცოცხალია ის აფხაზეთი, რომელიც დედა-საქართველოს წიაღში 1993 წლის 27 სექტემბრამდე მუხლმაგრობდა, დღეს კი ვაჟასეულ იმ არწივს ჰგავს, ყვავ-ყორნები რომ დასევან. მოგონებებსა და სიზმრებში ცოცხლობს იგი ზუსტად ისეთი, როგორც ოდითგან იყო და იქნება, როდესაც დავუბრუნდებით. დაბრუნებით კი აუცილებლად დავუბრუნდებით, რადგანაც აფხაზეთი ერთიანი საქართველოს **შურობუმუ**, ანუ ის მიწა გახლავთ, რომელსაც ქართველთა სული ებმის მოგონებების ფესვებით.

სერგი საჯაიას ნოველები: „მურგვა“, „ლაზო“, „ქენჯნის თვითგვემაში გამოგლოვილი“ და „ჰაიკანუშა კომკა“ სწორედ ის ფესვებია, ქართველობას რომ შურობუმუსთან აერთებს. მათ რომ წაიკითხავთ, არამარტო დაინახავთ, არამედ იგრძნობთ კიდევაც იმ აფხაზეთს, ენგურს გაღმა კანტი-კუნტად შერჩენილ აფსარებს რომ სანატრელად გახდომიათ დღეს. კაცმა რომ თქვას, აფხაზეთი სწორედ მათ დაკარგეს და არა ჩვენ: თვალს მოხუჭავს თუ არა, აფხაზეთის მკვიდრი ქართველი წამსვე შურობუმუში ინაცვლებს, აფსარმა კი რაღა ქნას?!.. ცხადში არყით გაღეშილი რუსი სალდათების ხმამაღალი გინება არ ასვენებს და ძილში - თვისტომებისგან ნაწამები ქართველის ზმანება.

ასეა: აფხაზეთიდან მტრისგან ოტებულ ქართველობას იმ კუთხის სული იმიტომ გამოჰყვა, რომ მათ **ქართველურ შურობუმუსთან** კავშირი არ გაეწყვიტათ: **„ყოველთვის არ არის სულ ერთი, ამ მიწაზე თუ რომელ კუთხეში გექნება საფლავი!“** - ამგვარად ასრულებს ბატონი სერგი ნოველა „მურგვას“ და მეც, აწ უკვე მთლად საზღვარგარეთ მოქცეული

ერთ-ერთი უძველესი ქართული კუთხის მკვიდრთა საგულისხმო ჩვეულება მახსენდება: მიცვალებულს, ვისაც მემკვიდრე შორს ჰყავს, საკუთარ ეზოში კრძალავენ, რათა ქართული მიწა გადამთიელის ხელში არ ჩავარდეს, შორს წასული ქართველისთვის კი სამუდამოდ **შურობუმოდ** დარჩეს. ჰოდა, **სანამ შურობუმო ანუ „სულის საბანი“ იარსებებს, ის ქართველი, სადაც გინდა იყოს, მუდამჯამს ქართველად დარჩება.**

ეს ყველაფერი სერგი საჯაიას ნოველათა არსია და, უშუალოდ ენას რაც შეეხება: მე ტყუილად არ მითქვამს, სიტყვით მხატვრობის ოსტატთაგანია-მეთქი. საერთოდაც მიმაჩნია, რომ მხატვრული ნაწარმოები მკითხველს გონებაში წარმოდგენილ კადრებად უნდა ჩარჩეს და ეს, ცხადია, ენის გარეშე ვერ მოხერხდება. სერგი საჯაიას ნაწარმოებთა ენა მრავლის დამტვევი და მოქნილია: „...მაგრამ რაღაც ადამიანად ყოფნის ხაწას მართმევდნენ თითქოს“ - აქ სიტყვა **ხაწა** ფრაზის გასაღებია. ის მეგრულად „მაწვნის დედას“ ნიშნავს, თუმცადა სამწიგნობრო ენაში გადმოტანით, ბატონი სერგი მას უფრო ამაღლებულ მნიშვნელობას ანიჭებს: **ადამიანად ყოფნის ხაწა** ხომ ისაა, რისთვისაც ზოგადად კაცი მოდის ამქვეყნად. სულ ერთი, პაწაწინა სიტყვაა, მაგრამ მრავლის დამტვევი. თანაც, სამწიგნობრო ენაში გადმოტანით მთელი ქართველობისთვის ნაცნობი ხდება.

მეორე მხრივ, იმგვარი ზმნური ფორმებიც, როგორებიცაა, მაგალითად: „მომესხეულა“, „ჩაიკრიალოსნა“, ანდა კიდევ - მოქნილი ფრაზეოლოგიზმები: „სიცოცხლე ხანძრად მინ-თია გულში“, „ოდაბადის ქუდზეკაცობასთან ზურგით არ მდგარი“ და მისთანანი სიტყვას სულ სხვა, მხატვრულ სიმაღლეს აძლევს და გარდა იმისა, რომ უფრო გამოკვეთს სემანტიკას, სულისმიერ ცხადგრძნობათა გამომსახველადაც გვევლინება. სერგი საჯაიას ნოველებში კი უპირველესი სწორედ ეს გახლავთ. გადაუჭარბებლად შემძლია ვთქვა, რომ მას წერის საკუთარი სტილი აქვს და მას ბუნებრივად ირგებს გულისხმადების გადმოსაცემად.

აი, ამგვარად შეიძლება დახასიათდეს ბატონი სერგი საჯაიას მწერლობა და სახელდობრ, ის წიგნუკა, რომელიც მან მკითხველს ამჯერად წარუდგინა.

დაიბეჭდა წიგნში „სისხლად ამონახველი მწუხრისბჭობა ახალნათოფზე“, თბილისი, 2021 წ.



წერილი ისრაელიდან

პატივცემულო, ბატონო სერგი!

მტკივა, მტკივა ძმებო! ყველაფერი მტკივა, - სული, გული, გვამი, სისხლი, ძოწის მძივი, ნატერფალი... აფხაზეთი მტკივა, სამაჩაბლო მტკივა... ტაო, კლარჯეთი, ლაზეთი... სოჭი მტკივა!..

გისურვებ ჯანმრთელ სიცოცხლეს. ბატონო სერგი, რომ თქვენი ბასრი ხმალივით მოქნეული სიტყვა მრავალ და მრავალ წელს უკაფავდეს გზას ჩვენს გაუბედურებულ სამშობლოს!..

ბატონო სერგი,
*გამოცანად სდევს დღე-ღამეს,
ცხოვრების იწილ-ბიწილო
და მაინც ვნატრობ ერთ რამეს, -
სოხუმში შეგხვდე, გიხილო!*

ულრმესი პატივისცემით, -
გიორგი ქართველიშვილი (ისრაელიდან)
08. 01. 2002 წ.



მკითხველისადმი

ზურაბ ქობალაია - მწერალი

ყოველდღიურად სამშობლოს მაჯი-სცემაზე ხელდადებულად მოფიქრალი კაცის აზრები, ასე შეიძლება, ეწოდოს ამ პატარა წიგნს, რომელიც ბატონმა სერგი საჯაიამ შესთავაზა მკითხველს.

სამწუხაროდ, იგი დიდი ტირჟით ვერ გამოდის გარკვეულ მიზეზთა (უფინანსობის) გამო, მაგრამ მთავარი მაინც ის გახლავთ, რომ სამზეოს იხილავს და თავად გაიკვლევს გზას ჭეშმარიტი მკითხველის გულისა და სულის ასაფორი-აქებლად. იმათთან მივა, ვისაც ჯერ კიდევ უძგერს გული სამშობლოსთვის და, ავტორის მხარდახარ, ხმას ამოიღებს ქართველი ერის მიღვეადობის წინააღმდეგ.

ასე მგონია, ეს წიგნი სწორედ ის დადარია, რომელიც მითაჟამიდან მუდამ იყო ქართველი კაცის სულში მინაგ-ლეზული და საჭიროების ჟამს ნაცარს გადაიყრიდა და ააღდებოდა სამშობლოს გაჭირვების დასალხენად, შესაცვ-ლეულად.

მართალია, დალხენილი დრო-ჟამი იშვიათობა იყო, თუ ისტორიას გადავავლებთ თვალს, მაგრამ ხომ იყო მაინც!..

იყო და იქნება სურვილი ამოდრავებს ავტორს ამ წიგნის წერისას!.. სწორედაც რომ საგაკვეთილოდ წერს იგი ყოველ-დღიურად ამ წიგნს დღიურის ფორმატში... თუმცა, ბოლოს ხელს ჩაიქნევს და იტყვის, „**წყვეტ ამ წიგნის წერას**“-ო, მაგრამ, საიმედოდ, ბოლო საწუხარ დღეს მაინც დაამატებს... იქნება ტკივილმა მაინც გააღვიძოს მიძინებული ერი, რომელიც გადასაშენებლად გაუხაზირებიათ მავანთ.

ყოველდღიურად სამშობლოზე ფიქრი გაანდო ფურცელს და მერე საფიხვნოზე გამოიტანო „**ინგირცმელედან მეამზოხე საფლავთა სახელით**“, ამას დიდი ქართველობა და დიდ-

კაცობა სჭირდება. სწორედ ასეთ ადამიანთან გვაქვს საქმე ამ შემთხვევაში, რომელიც თავმდაბლობით გვამუნათებს, რომ „კორონავირუსის საიერიშო დღეებში მოცლილი ბერიკაცის ხელმწიფათურებად და თავსმოხვეულ ფიქრებად“ გვაწვდის, რათა კიდევ ერთხელ დავფიქრდეთ ჩვენი მამულის, სამშობლოს, შურუბუმუს, ოდაბადე - დაბადონასა და სახელმწიფოებრიობის წარსულზე, აწმყოსა და მომავალზე.

განგაშის ზარის აუღერებასა და დარისხებას ცდილობს ბატონი სერგი ყოველ თავის წიგნში, რომელიც უკვე 30-ს აჭარბებს. ყოველი სტრიქონი და სტრიქონებს შორისი სივრცეც სწორედ გააღენთილია სამშობლოს სიყვარულით, მასზე ზრუნვის მცდელობითა და სახელმწიფოებრივად აზროვნების მაგალითებითა და ნიმუშებით.

ავტორის გულისტკივილი მთლიან საქართველოსგან დროებით მოწყვეტილი ღვთისმშობლის წილხვედრი მამულებია, რომლებიც მავანთ ჯერ კიდევ ვერ გაუსივრძე-განებიათ თუ რა დღეშია ჩავარდნილი სამშობლო ჩვენი, ვიღაცათათვის მხოლოდ „ეს ქვეყანას“ და „ამ ქვეყანას“ წარმოადგენს.

ბატონი სერგისთვის აფხაზეთი მარტო აფხაზეთი კი არაა, არამედ იგი ჩრდილო-დასავლეთ საქართველოა და ვერასდროს მოსწყდება დედასამშობლოს. ასევეა მისთვის სამაჩაბლო თუ სხვა ქართული ადგილ-მიდამოები, რომლებიც, სამწუხაროდ, ჯერჯერობით და დროებით „გასხვისქვეყნებულა“.

გვახსენებს ქართველობას, რომ ჩვენ ვართ ქრისტესმხედარი გიორგიანელები, რომლებთაც დიდი მისია გვაკისრია და ამ მისიის აღსასრულებლად უფალმა სწორედ ღვთისმშობლისწილხვედრობილობა დაგვიდგინა.

იგი ილაშქრებს საქართველოში მოთარეშე ეთნოდივერსიულ და ეთნო-ფაბრიკაციული ინდუსტრიაში გამოინკუბატორებულ სიმრავლეთა წინააღმდეგ და ნიღბის ახევით ამხელს მათ სამშობლოს ღალატში, რომელთაც, პრინციპში, სამშობლო აღარც აქვთ, რადგანაც მათ უკვე გაყიდეს იგი.

იგი ასევე ილაშქრებს ლგბტ-ური თემის წინააღმდეგაც, რომლებიც, სწორედ რომ ლიბერალული ღირებულებებს ამოფარებულნი, ეთნოდივერსიულ საქმიანობას ეწევიან მტერთა სასიხარულოდ, მათივე დავალებებითა და მითითებებით.

ავტორისათვის და წესით ყოველი ქართველისათვის სანუკვარი და ღვთივსავედრებელი სამშობლო ფრიად გასაჭირშია, ვერ გაუყვიათ რამოდენიმე ქვეყნის მსტოვრებს და ყოველი მათგანი იმ ქვეყნისკენ მიგვაქანებს, რომლისგანაც ოცდაათი ვერცხლი მოჩხრიალებს მათთან. ამ გაწამაწიაში არის გაჩხერილი ჩვენი სამშობლო (იმათთვის რაღაც ამ, იმ, ეს „ქვეყნად“ წოდებული).

ავტორის ასევე გულდაწყვეტილი წუხს, რომ სახელმწიფოს არ გააჩნია იდეოლოგია და არა აქვს ჩამოყალიბებული სტრატეგიული გეგმა ქვეყნის დეოკუპაციისა. ხელისუფლებაში და გინდა საზოგადოებაში ვერ მოიძებნება პიროვნება, რომელიც დასახავს მიზანს და დაწერს გეგმას თუ როგორ და რა გზებით შეიძლება, მოხდეს ოკუპირებული რეგიონების დაბრუნება და საქართველოს იურისდიქციის ქვეშ მოქცევა, კონსტიტუციური თუ სამართ-ლებრივი წესრიგის აღდგენა და შემდგომ ამისა, სახელმწიფოს მონოლითური მართვის მეთოდებისა და მექანიზმების შემუშავება, სადაც იზეიმებს ქართველთა გონითი განჯენის სივრცე.

მოკლედ, ბევრი რომ არ გამიგრძელდეს, მკითხველი თავადვე გამოიტანს დასკვნებს იმ საჭირობოროტო საკითხებიდან, რომელსაც ავტორი სვამს სამშობლოს მესვეურთა წინაშე და მისი გადაჭრის გზებზეც მიუთითებს, თუ ვინმე გამოჩნდება ყურმგდები და შემსმენი.

აღარაფერს ვამბობ ამ წიგნის მაღალმხატვრულ და სიტყვაკაზმულ ღირებულებაზე, რომელსაც თავად ჩაწდება მაღალგემოვნებიანი მკითხველი.

დაიბეჭდა წიგნში „საფიხვნო ინგირცმელედან მეამბოხე საფლავთა სახელით“, თბილისი, 2021 წ.



ალალად დაწერილი წიგნი

თოლიგე და შურიგე ამ სიტყვებით მიმართვენ საქართველოს ერთ-ერთ კუთხეში, კერძოდ, სამეგრელოსა და აფხაზეთში, ერთუღელში შებმულნი. ამგვარი მიმართვა უფლის ხელდასმულობას ნიშნავს და ღვთის ნების აღსრულებას მეუღლეებს შორის უთიერთობაში.

თოლიგე - თვალის ჩინო და შურიგე - სულის საფიცარო, სულის ყებურში, ანუ სულის შუაცეცხლში გაატარა ბატონმა სერგი საჯაიამ და ისე მიუტანა მკითხველს თვალსაჩინო ქართველის, სულითხორცამდე სამშობლოზე შეყვარებულის, მისი მეუღლის, ქალბატონი ნანას სიცოცხლის ბოლო დღეების განცდები, რომელიც მის ემოციებთან ერთად ნიმუშია იმისა თუ როგორ უნდა გიყვარდეს სამშობლო ერთმანეთის სიყვარულითა და პატივისცემით.

დღიურის სახით, ლამის ყოველდღიურად ესათუთება მის მტკივნეულ სულს და მკითხველსაც თანაგრძნობას აღუძრავს, არა მხოლოდ ქალბატონი ნანას მიმართ, არამედ იმ სამშობლოს სიღუბნის გამო, რომლის სიმბოლურ სახესაც წარმოადგენს უმშვენიერესი ქალბატონი, ნამდვილი პატრიოტი და სამშობლოს სიყვარულს შეწირული, ნანა!..

ბევრი შეიძლება ითქვას ამ წიგნის მაღალმხატვრულ ღირებულებაზე და მის ორიგინალურობაზე, მაგრამ უმჯობესია, მკითხველმა თავად გაიკვილოს გზა, ამ გულისტკივილით დაწერილ, სულის ფორიაქში.

არაფერს ვამბობ ავტორის სულისა და გულის ტკივილზე, რომელიც ყოველ სტრიქონში თან სდევს ამ საოცარ წიგნს.

იშვიათად მოიძებნება მსგავსი შეგრძნებით, ალალად დაწერილი წიგნი არა თუ ქართულ ლიტერატურაში, არამედ სხვა მასშტაბითაც.

ვფიქრობ, მკითხველი გაითავისებს ამ ფრიად საინტერესო და საინტერესოდ დაწერილ წიგნს და მე, როგორც რედაქტორი, გზას დავულოცავ მას ფართო მკითხველისაკენ.

სამწუხაროდ, მისი ტირაჟი, ალბათ დიდი ვერ იქნება გარკვეულ მიზეზთა გამო, მაგრამ დადგება დრო, რომ მისი მრავალტირაჟიანი გამოცემებიც დაამშვენებს წიგნის დახლებსა თუ თაროებს.

პატივისცემით, **ზურაბ ქობალია**.

დაიბეჭდა წიგნში „ჩემო თოლიგე, ასგზის შურიგე და სულის ყებურო, ნანა“, თბილისი, 2021 წ.





ღალადი წმინდა საფლავთა სახელით

ჯუბა ღებელი - პოეტი

არ ვიცი, ზოგისთვის ქება შეიძლება, მაწყინარიც იყოს, მე კი პატარა ამბავი, რომელიც აქ მინდა მოგიყვეთ, ძალიან სასიამოვნო და ლამაზ მოგონებად მომყვება.

ადრეული შემოდგომის ერთ თბილ საღამოს, რუსთაველ-ზე, ყოფილი კულტურის სამინისტროს შენობის წინ, გაჩერებაზე ვიდექი, ტელეფონის მესინჯერში ვიდეოზარი რომ შემოვიდა. თვალი მოვკარი თუ მომეჩვენა, არ ვიცი, ხაზზე ბატონი რეზო ამაშუკელი გახლდათ. ვიფიქრე - სად მე, სად ბატონი რეზო, ალბათ ხელი შეცდომით დაეჭირა თქო და ავტომატურად იმ წამსვე გავთიშე. ამასობაში ავტობუსი გაჩერდა და შევხტი. კარი ჯერ კიდევ არ იყო დაკეტილი, ისევ შემოვიდა ვიდეოზარი... მწვანე ავტობუსიდან უკანვე ჩამოვედი და ღილაკს ხელი დავაჭირე. „ალოც“ არ მქონდა ნათქვამი, ყურმილში ბატონი რეზოს ხმა რომ გაისმა

- ჯუბა ღებელი, ხო!..
- დიახ, დიახ, ბატონო რეზო!..
- ჩემო ჯუბა, ჩემო ჯუბა ღებელო...

მოკლედ, საუბრის დეტალებს აღარ დავაკონკრეტებ. ბატონი რეზო მეფერებოდა და ერთი თვის წინ გასულ დაბადების დღეს მილოცავდა. იცის ინტერნეტმა გამეორება და ეტყობა, ბატონ რეზოსაც „შეახსენა“.

რა თქმა უნდა, მთელი ის საღამო და მომდევნო დღეები რაღაცნაირად ზედნიერი ვიყავი. პატარა საქმე არაა, დიდ პოეტს გაახსენდე, ყველას როდი აქვს ასეთი პატივი?..

მკითხველი იტყვის, რა შუაშია ამ წიგნთან რეზო ამაშუკელი და ეს ამბავი?..

შუაშია და უფრო მეტიც - თავშია!

ახლა მე, ჩემზე უფროს ადამიანზე, ჩემთვის ძალზე დიდ პატივსაცემ, გამორჩეულ მწერალსა და პუბლიცისტზე, აფხაზეთის ომში კალმითა და იარაღით მეზრძოლ, საყოველთაოდ ცნობილ პიროვნებასა და საზოგადო მოღვაწეზე ორიოდ სიტყვის თქმა მარგუნა ბედმა.

ეს დიდებული პიროვნება ბატონი სერგი საჯაიაა!

სერგი საჯაია 1946 წლის 14 ნოემბერს აფხაზეთში, სოხუმთან, ისტორიულ კომან-აკაფის მიდამოებში დაიბადა, საიდანაც დაიწყო საქართველოს გაერთიანება ბაგრატ III-მ, სადაც დასვენებული იყო წმინდა იოანე ოქროპირი და წმინდა იოანე ნათლისმცემლის თავი პატიოსანი.

დაამთავრა ა. მ. გორკის სახელობის სოხუმის სახელმწიფო პედაგოგიური ინსტიტუტის ფილოლოგიის ფაკულტეტი. სტუდენტობისას ხელმძღვანელობდა დიდი გალაკტიონის მიერ ქართული ლიტერატურის კათედრასთან დაარსებულ სტუდენტთა შემოქმედებით წრეს - *„ზღვა აბმაურდა“*.

იყო სოხუმის რადიოს რედაქტორი, სკოლის დირექტორი.

1960-იანი წლებიდან ჩართულია ეროვნულ-საგანმანათლებლო მოძრაობაში.

1992-93 წლებში იყო საქართველოს ეროვნული დაუმორჩილებლობის კომიტეტის წევრი, 1993 წლის შემოდგომაზე ქ. ზუგდიდში გახლდათ აფხაზეთის საქმეთა სახელმწიფო კომიტეტის თავმჯდომარე, უბედურების ზონიდან გამოჰყავდა ჩრდილო-დასავლეთ საქართველოში (აფხაზეთში) გენოციდისა და ეთნიკური წმენდის შემდეგ გადარჩენილი უმწეო მოსახლეობა.

ასევე იყო მერაბ კოსტავას სახელობის საქართველოს მოსახლეობის განსახლებისა და საადგილმამულო ფონდის წარმომადგენელი ცხუმ-აფხაზეთში.

გახლავთ უმაღლესი კატეგორიის პედაგოგი.

ასევე არის ნიკო ნიკოლაძის, გიორგი შარვაშიძისა და ზვიად გამსახურდიას პრემიების ლაურეატი.

დიახ, ასეთ ადამიანზე, ასეთი პიროვნების პუბლიცისტურ წერილებზე მარგუნა ბედმა ორიოდ სიტყვის დაწერა და, რა თქმა უნდა, ეს ჩემთვის დიდი პატივია!

ჩვენი პირველი შეხვედრა 2013 წლის გაზაფხულზე, მწერალთა ეროვნული აკადემიის ოფისში შედგა. მე მაშინ ამ აკადემიის აღმასრულებელი დირექტორი გახლდით.

პირველივე ნახვისთანავე მიიპყრო ყურადღება თავისი აღნაგობით, მჭერმეტყველებითა და საუბრის მანერით. ეს ლამაზი, ახოვანი კაცი უდავოდ ცნობილი პიროვნების შთაბეჭდილებას ტოვებდა და ასეც იყო. ნებისმიერი შემხვედრისთვის ის ცნობილი პიროვნებაა!

ბევრ ქართველს გადაუვლია ბატონი სერგის მხრებზე, მაგრამ დღემდე თავისი კაცობითა და სიმართლით მოსულს, თავისი ქვეყნისა და ხალხის სიყვარულის გარდა არც რამ უკეთებია და არც ჰქონია სხვა რამის კეთების სურვილი.

მისი პუბლიცისტური წერილები, რომლებსაც დარწმუნებული ვარ, სიამოვნებით გაეცნობა მკითხველი, ისე დოკუმენტურად და ამავე დროს ლიტერატურული სიტყვაკაზმულობითაა დაწერილი, დეტექტიური რომანივით ერთი ამოსუნთქვით იკითხება.

მე არ შევუდგები თითოეული წერილის განხილვას, არც იქ მოყვანილი ფაქტებისა და კონკრეტულ (მათ შორის ჩემთვის პატივსაცემ) პიროვნებების შეფასება-დახასიათებას, ერთს კი ვიტყვი, რომ ამ წიგნმა კიდევ ერთხელ დამაბრუნა იმ ავადსახსენებელ წლებში, 50-70-იანი და უმძიმესი 90-იანები რომ ჰქვია.

ამ წიგნმა კიდევ ერთხელ გამახსენა ილიას „ბედნიერი ერი“, აკაკის „ვედრება“, თავაწყვეტილი გაშმაგებით მოკლული ზვიად გამსახურდია, გულარხეინი საზოგადოების თვალწინ ჩაცხრილული გურამ შარაძე, ძმათამკვლეელი ომის შესაჩერებლად ცეცხლწაკიდებული გია აბესაძე, ჭუბერის უღელტეხილზე მკერდზე ჩვილ მიყინული დედები, გზადაგზა გაყინული ქალები და ბავშვები, გადარჩენილთა გასამარ-

ცვადად დარაზმული „ადამიანები“ და ღვთისმშობლის წილ-
ხვედრილი ქვეყნის ცოდვის ალში ტრიალი.

ამ წერილებმა კიდევ ერთხელ დამაფიქრეს ადამიანთა
რაობაზე, ფულზე სულგაყიდულთა მიზნებზე და ღალატზე,
რომელიც საუკუნეების მანძილზე ტრიალებს ჩემი ქვეყნის
მიწაზე და ზეცაში.

ბატონმა სერგიმ, მისივე სიტყვებით რომ ვთქვა, ერის ყოფ-
ნა არ ყოფნის ფონზე, წმინდა საფლავთა სახელით ივალდე-
ბულა ძილქუშისკენ მიდრეკილი საზოგადოების ყურდახმო-
ბას ჩაუკოდორღრიალოს წმინდა წერილის საგაკვეთილო
სწავლებლა: „ყოველთა გეტყვით, მღვიძარე იყვენით!“

რამდენთაგან რამდენი ასეთი შეგონება გვსმენია, მაგრამ
ისე გაგვიტარებია ძილღვიძილში, ვერც მივმხვდარვართ,
რომ „ვერო-ატლანტიკური რასიზმი, თურქული „ისტორი-
ული მეგობრობა“, კრემლიდანური ველიკოდერჟავნიკობა,
აზერბაიჯანული მოთარეშეობა და არმენული წაჯი-ბგირება
დღენიდაც ცდილობს ჩვენი სამშობლო რეგიონალურ ფეხსა-
ლაგად მოიაზროს.“

დიახ, არასოდეს გვესმოდა მამულზე მოფიქრალი ადა-
მიანებისა და მხოლოდ მაშინ ვხვდებოდით მათ სიძარტლეს,
როცა თავად ისინი უკვე ჯვარზე გვყავდა გაკრული.

ალბათ, არც ბატონ სერგის დაფუჯერებთ ბევრ რამეს -
კაცს, რომელსაც ევალეობდა და სიზუსტით იცის, ვინ, სად,
როდის და ვის მიერ, რომელ ბუჩქთან გაიძარცვა სახელისა
და გვარების, დღეებისა და თარიღების მიხედვით;

კაცს, რომელიც „მომშისგან ენით უთქმელ ვერაგობათა
ამოკივლებას ეკაშხალება დღემდე და რომელმაც ზვიადის
დავალეობით, თანამოაზრეებთან ერთად, შეძლო არ განხო-
რციელებულიყო საუკუნის ღალატი - ენგურის ზემო და ქვე-
მო ხეობათა შეხლა“;

კაცს, რომელიც ლიბოდ ამოხერგილ ქვასავით ცდილობს
ყველა მხარეში გამოჩორკნილ ვათანძარათა მიერ მკერდ-
შენგრეული ქვეყნისთვის საკონტროლო ტყვიის დახლა აარ-
იდოს საქართველოს!

ერთეულები ქმნიან ისტორიას, ერთეულები ეწირებიან იდეებს. ხელისუფლება კი თითქოს საიდანღაც ნაკარნახევი პროტოკოლით მართავს ქვეყანას.

ხელისუფლებისთვის თითქოს არაფერია ქვეყნის ისტორიული წარსული, ერის გენეტიკური კოდი და ზნეობრივი კატეგორიები და ამ ყველაფრის დასაცავად ისევ იმ უბრალო ხალხს და ადამიანთა ჯგუფებს უწევს ბრძოლა, რომლებმაც ის აქციეს ხელისუფლად.

ამიტომაც, რომ 30 წლის დამოუკიდებელ სახელმწიფოში ყველა გარყვნილების აღსაკვეთად საკანონმდებლო ბაზა კი არ მუშავდება, დემონსტრაციებისა და მიტინგების აუცილებლობა დგება დღის წესრიგში. ამიტომაც ყველაზე დიდი სიწმინდე - დედა-ენა, დღემდე რომ ვერ დავაბრუნეთ საგანმანათლებლო დაწესებულებებში, ამიტომაც „ცხრაკლიტულში ჩაპატიმრებული საკაცობრიო მნიშვნელობის ქართული მწერლობა“, რომელსაც ჯერ პატივი აჰყარეს და მერე მამულიშვილთა მიერ უანგაროდ ნაჩუქარი სასახლე ჩამოართვეს.

საქართველო კი ლამისაა „რუსეთსა და აშშ-ს მიერ გადაწეულ სივრცეებში მათ საეთნოდივერსიო ქარხანათა სადისლოკაციო პოლიგონად აქციონ!“

ასე რომ არ იყოს, არათუ მოხსნიდნენ ქვეყნის ხიდებსა და ბილ-ბორდებზე განთავსებულ წარწერებს - „გვახსოვდეს აფხაზეთი!“, „სოხუმი ჩვენი ტკივილია!“, არამედ სკოლებისა და საბავშვო ბაღების შესასვლელებზე დიდი ასოებით წაწერდნენ, რათა იცოდეს მომავალმა თაობამ ამ სიტყვების მნიშვნელობა.

მაგრამ, რატომღაც 30 წლის „დამოუკიდებელი“ (როგორ არ მინდა ამ სიტყვის ბრჭყალებში ჩასმა) საქართველოს ყველა ჩვენს („ჩვენს“ ხაზს ვუსვამ) მიერ არჩეული ხელისუფალი თითქოს შეგნებულად ისტორიული მეხსიერების ატროფიაზე ფიქრობს და ამით წითელ კოჭს უგორებს ზემოთხსენებული პროტოკოლის ავტორებს.

ამ დროს დასაღუპად განწირული ჩვენი სამშობლო უფსკრულისკენ მიექანება და თითო-ოროლას გარდა, კაცი, პატრონი არ ჩანს, არც გადამრჩენი და არც ხმის ამომღები.

ერთ-ერთ ასეთ „მღალადებლად“ მიმაჩნია ბატონი სერგო სეჯაძე, რომელსაც, ისევ მისივე სიტყვებით ვიტყვი „პირმოკუმვის“ ნაცვლად საკირის ცეცხლზე საკუთარი სისხლი ეორთქლება“ და რომლის „კოლხური კოშკის მსოფლმხედველობა“, ცალსახად შეიძლება ითქვას, ჩვენი აწმყოსა და მომავლის საქვაკუთხედო ეპისტოლეა.

დაიბეჭდა წიგნში „რათა ტკივილი გაგიზიაროთ“, თბილისი, 2020 წ.





შეხმიანება მეგობარს

მურმან ხურცილავა,

მწერალი, გიორგი შერვაშიძის სახელობის პრემიის
ლაურეატი

სერგი საჯაიამ შემოქმედებითი საქმიანობა ლექსებით დაიწყო. კარგად მახსოვს მისი პირველი მყარი ნაბიჯები. ადრიდანვე ვიცნობდი მას, როგორც განათლების დარგის წარმატებულ მოღვაწეს, ეროვნულ მოძრაობაში აქტიურად ჩართულ პიროვნებას და, ბოლოს, აფხაზეთში დატრიალებული ტრაგედიის დროს, სამართლიანობისათვის იარაღსახმულ მებრძოლს. ჩვენს ურთიერთობაში ხანგრძლივი მდუმარების შემდგომ (რასაც ობიექტური მიზეზები ჰქონდა) ჩემთვის მოულოდნელი და ერთგვარი აღმოჩენაც იყო, რომ ის ჩამოყალიბებულა, როგორც ნიჭიერი პუბლიცისტი, მწერალი, მრავალი წიგნის ავტორი, რამდენიმე პრემიის ლაურეატი და... ისეთივე ხმალშემართული - ოღონდ უკვე სხვა სფეროში (სახელმწიფოებრივი გარჯა; შეუპოვრობა ისტორიული ჭეშმარიტების დასადგენად; უშელავათობა უკეთურობის მიმართ და ა. შ.). წავიკითხე მისი პოლიტიკურ თემაზე დაწერილი წიგნები, მათში უსამართლობას შეჭიდებული მარტოკაცი დავინახე და თან ამ შრომების შექმნაში დახარჯული დრო, ძალა, მოწადინება, შემართება დამენანა. ჯობდა ეს ყოველივე რაიმე მხატვრულ ტილოს მოხმარებოდა (რისი უნარიც ავტორს უეჭველად შესწევს), რადგან წიგნთა პერსონაჟები (თუ პერსონები) თავს დღესაც არხეინად გრძნობენ, თავისუფლად აგრძელებენ ჩვეულ საქმეს, თითქოს არც არაფერი შეხებიათ, მათი წარმომჩენი კი დარჩა კანონიერების აღსრულების მომლოდინე. თუმცა, აქვე დავძენ, ჭეშმარიტებას ერთი უტყუარი ჩვევა აქვს: ათასი ჭირ-ვარამის გამოვლის, გვემისა და თუნდაც ჩაქოლვის მცდელობის მიუხედავად, სადმე თავს მაინც წამოყოფს და ავისმ-

ქნელებს წინ გადაუხტება. ასე რომ, სათქმელმა მაინც მიაღწია მიზანს.

წინამდებარე პატარა წიგნში (მწერალი მას მოხდენილად „წიგნუკას“ უწოდებს) წარმოდგენილი ნოველები შინაარსით და ჟანრობრივადც ახლებურია - ეს არის ნოველისა და ნარკვევის, მხატვრული ნააზრევისა და სინამდვილის ნაზავი. ოთხ ნაწარმოებს ერთი სატკივარი და სევდა-ნალველი აერთიანებს, გამოწვეული მშობლიური გარემოს დაკარგვით, ახლობლის (ადამიანის თუ ცხოველის) დაღუპვით. მათში ერთი სიუჟეტური ხაზიც კი შეინიშნება: პირველ ნოველაში („მურგვა“) ძაღლის მკვლელი არ ჩანს, ის ბოლო ნოველაში („ჰაიკანუმა კოშკა“) გამოჩნდება (გამოდის, მურგვას მკვლელი ხაჩიკი („ჰაიკანუმ კოშკადან“) ყოფილა! შეიძლებოდა ამის აღნიშვნა, კვანძის ერთგვარი გახსნა იქნებოდა. იქნებ, ამის გარკვევას მკითხველს ანდობს? ესეც შეიძლება). ვფიქრობ, ეს შემთხვევითი არ არის, მე ის თავისებურ მხატვრულ ხერხად მივიჩნე... მურგვას სიკვდილით მთხრობელს (ანუ მთავარ გმირს) ცხოვრების შინაარსი შეერყა: „ის გახდა ჩემი ტკივილების თანაზიარი, ჩემი ობლობისა და მარტოკაცობის მეიავნანე, ფიქრების ამძრავი ღვედი, სიკეთისკენ წამქეზებელი“, ის „მომემშობლიურა, თითქოსდა გამისისხლითნათესავდა, შემომისახლისკაცდა...“ აი, ასეთი სულიერი მეგობარი ვერაგულად მოუკლეს. მთხრობელი მტერს სახლ-კარის გადაწვას პატიობს, მაგრამ არის ისეთი რამ, რაც „არ იპატიება. ესაა ჭიშკართან ძაღლის მოკვლა“... ეს უფლის მიერ დადგენილი წესიდან განდგომას, ადამიანის დაცემასა და განადგურებას ნიშნავს.

სულისშემძვრელი და სევდისმომგვრელია „ღაზო“. დაკბენილმა ღაზომ უკანასკნელად აწოვა ძუძუ თავის ნაშიერთ და სულიც დალია... „ვიბღავლე, მაგრამ ვაღიარებ, ეს არ გახლდათ მარტო ღაზოს შეცხადება - დავტროდი ჩემს მარტოკაცობას, ოდაბადის გასხვისებას, ძვირფას საფლავებს..., ჩემი ერის მიღვეადობას“. ჭირს, აუღელვებლად წაიკითხო ეს სტრიქონები.

სერგი საჯაიამ გამოამჟღავნა მწერლისთვის შესაშური თვისება: მან გამოიმუშავა საკუთარი სტილი, ავტორის გამოცნობა ადვილია სახელისა და გვარის მიუწერლადაც კი. მწერალი სიტყვათმემოქმედების იშვიათი ნიჭით გამოირჩევა. ეს ეხება არსებით სახელსაც და მისგან ნაწარმოებ ზმნასაც. ამათგან ზოგი შეიძლება, ნაკლებად ზუსტი და მორგებული იყოს, მაგრამ არა უშავს: გუთანს ერთგულად ჩაჭიდებულ გამოცდილ მხვნელს კვალი განზე თუ გაექცა, მას მალევე თავად მოუვლის... თუკი ათი ახალი სიტყვიდან ერთი მაინც შემორჩა ქართულ ლიტერატურას, ეს გამარჯვება იქნება.

ესეც უნდა ვთქვა: სერგი საჯაიას თამამად (თანაც - ზომიერად) შემოაქვს ქართულში მეგრული სიტყვები, რაც ჩემი აზრით, ხელს უწყობს ქართული სალიტერატურო ენის განვითარებას და გამდიდრებას.

წიგნში შესული ნოველები ადრე დაიბეჭდა პერიოდულ პრესაში. ასე ერთად შეკრული კი პირველად გამოდის. და, იმედია, მკითხველი გულთბილად მიიღებს.

დაიბეჭდა წიგნში „სისხლად ამონახველი მწუხრისბჭობანი ახალნათოვზე“, თბილისი, 2021 წ.





**ზოგიერთი მხარდამჭერი, გამამხნეველები და
მეცნიერულად საყურადღებო გამოხმაურება**

ძვირფასო ბატონო სერგი,
მიიღეთ ჩემი უდიდესი პატივისცემა და სიყვარული.
პროფესორი: მანანა ტაბიძე-თურქია
4.07.2018 წელი.

უდიდესი მადლობა ბატონ სერგის, დიდ ქართველს და
საუკეთესო ადამიანს.
სიყვარულით,
მანანა ტაბიძე-თურქია
2018-12-18 16:33

ჩემო ძვირფასო ბატონო სერგი,
გულდასმით (და არა ერთხელ) წავიკითხე თქვენი
შესანიშნავი წერილი.
მიიღეთ ჩემი აღტაცება, პატივისცემა და მადლობა.
სიყვარულით,
მანანა ტაბიძე-თურქია
15.04.2019 წელი.

ამონარიდი პროფესორ, ტარიელ ფუტკარაძის წიგნიდან...

... ტ. ფუტკარაძისა და ე. დადიანის მიერ მომზადებულია
დამხმარე სასკოლო სახელმძღვანელო „ქართველური ენობ-
რივი სამყარო“, რომლის პირველ ნაწილში აღწერილია ქართ-
ველური ქვესისტემების გავრცელების არეალი და ცალკე-
ული ქართველური დიალექტების საზღვრები (რაც ხელს
შეუწყობს მოსწავლეს, გაიაზროს ქართველი ეთნოსის თუ

ცალკეული ქართველური თემების საცხოვრისთა საზღვრები). აღწერას თან ერთვის შესაბამისი რუკები. წიგნის მეორე ნაწილი ეთმობა ადგილობრივი მეტყველების ლექსიკისა თუ თავისებურებების შესწავლას - საგანგებო კითხვარების საფუძველზე მოსწავლეთა მიერ დიალექტებისათვის დამახასიათებელი ლექსიკისა თუ თავისებურებების აღნუსხვას. ამგვარი მიდგომა ხელს შეუწყობს **როგორც ადგილობრივი რაგადის** (მეტყველების, დიალექტის) შენარჩუნებას, ასევე, მრავალსაუკუნოვანი ერთიანი ქართული (ქართველური) სამწიგნობრო ენის გამდიდრებას ქართველურ ქვესისტემებში შემონახული ლექსიკით. ამ ასპექტით ჩვენთვის მათრიენტირებული თვალსაზრისი გამოთქვა დიდმა ქართველმა მწერალმა კონსტანტინე გამსახურდიამ.

რაგადი ერთ-ერთ პუბლიცისტურ წერილში გამოიყენა ბ-მა სერგი საჯაიამ. შესაძლებელია ამ ქართველური სიტყვა-ფორმის ტერმინად დამკვიდრება; შდრ.: სულხან-საბასთან, ასევე, მეგრულ და სვანურ ქვესისტემაში **რაგადი** ნიშნავს „მეტყველებას“. (ტარიელ ფუტკარამე, „ქართველოლოგიის თანამედროვე გამოწვევები“, გამომცემლობა „უნივერსალი“, თბილისი, 2019 წ. გვ.165).

* * *

... ერთიანი ქართული (ქართველური) ეროვნული ცნობიერებისა და ზოგად ქართული სამწიგნობრო ენის დაცვის, განვითარების მიმართულებით იღვწოდა და იღვწის კონსტანტინე და ზვიად გამსახურდიების მრწამსის თანაზიარი ბევრი სხვა **ღირსეული პიროვნება**, რომელთაგან მხოლოდ რამდენიმე პირს დავასახელებ (მათთან მე წლების მანძილზე მაქვს ურთიერთობა): ნოდარ ჯალალონია, ნომადი ბართაია, ზურაბ თორია, ვალტერ შურღაია, ედემ კვირტია, რენე კალანდია, სერგი საჯაია, ველოდი მირცხულავა, ჯემალ შონია, ელგუჯა მარღია, ლაშა გვასალია (ტარიელ ფუტკარამე, „ქართველოლოგიის თანამედროვე გამოწვევები“, გამომცემლობა „უნივერსალი“, თბილისი, 2019 წ. გვ.168).

* * *

ამონარიდი მწერალ რევაზ კვერენჩილაძის წიგნიდან „ბრალს ვდებთ!“ (თბილისი, "უნივერსალი", 2019 წ. გვ. 66):

... ჩვენ შემდეგაც ვუშვებდით შეცდომებს: იმაზეც ხომ უნდა ეფიქრათ საგარეო საქმეთა სამინისტროში დიპლომატებს, პოლიტიკოსებსაც, იურისტებსაც როგორ წარგვედგინა საქართველოს ეს კუთხე მსოფლიოსათვის, თუკი ეს ბატონმა სერგი საჯაიამ, აფხაზეთის მკვიდრმა, იცოდა („ლს“, 2015. #29), ჩვენი სახელმწიფოს ხემძღვანელები, დიპლომატები და ა.შ. რატომ ვერ მიხვდნენ, ვთქვათ, ასე გაგვეცნო ის კუთხე მსოფლიოსთვის: „ჩრდილო-დასავლეთი საქართველო (აფხაზეთი)" - მსოფლიო მიხვდებოდა, რომ ეს არის საქართველო, საქართველოს ნაწილი და უკანონოა მისი საქართველოდან მოწყვეტა.

თორემ, ვიმეორებ, ვერ გაიგო დასავლეთმა - რატომ გაურბის ქართველი ქართველს, თანაც მიწიანად, ან რა უფლება აქვს საქართველოს მიწაზე მცხოვრებ აფსუას ეს მიწა გამოყოს საქართველოდან....

(ეს ამონარიდი ასევე შევიდა ბატონი რევაზის ახალ წიგნში „სამშობლო საფრთხეშია“, თბილისი, 2020 წ. გვ.71, რედაქტორი).

* * *

...როგორ შემიძლია მადლიერებით არ მოვიხსენიო ის ადამიანები, რომელნიც მამხნევებდნენ და მაქეზებდნენ ჩემი კვლევა-ძიებისას, მეხმარებოდნენ, ვისაც რით შეეძლო..

უკვე მოხსენიებულთა გარდა ესენი იყვნენ:

ა) მწერლები, რომელთა შეფასება (რამდენადმე გადაჭარბებულიც) ჩემთვის მეტად ძვირფასია: ილია ბარამიძე, გურამ გეგეშიძე, ლევან მალაზონია, ჯარჯი ფხოველი, თამაზ ჭილაძე, ვახტანგ ჯავახაძე:

მეორე მხრივ: ნოდარ ბაქრაძე, ჯანრი გოგეშვილი, დილარ ივარდავა, იური კახნიაშვილი, მთვარისა კერესელიძე, მანანა კვაჭანტირაძე, შალვა საბაშვილი, **სერგი საჯაია**, ბადრი სვანი-

მე, თენგიზ სვანიძე, იკა ქადაგიძე, ნელი ჩალაური, თემურ ცერცვაძე, ავთანდილ ხარაიშვილი (რევაზ კვერენჩხილაძე, „ჩანაწერები ლიტერატურის არქივიდან“, თბილისი, "უნინვერსალი", 2018 წ. გვ. 549):

* * *

ნაწყვეტი პროფესორ ნომადი ბართაიას რეცენზიიდან პროფესორ ტარიელ ფუტკარაძის ახალ წიგნზე:

200 წლის წინ შემუშავდა რუსული იმპერიული გეგმა ქართველი ერის ენობრივ-ენიკური ერთიანობის დაშლისა და იგი პერიოდულად აქტიურდება. გააქტიურდა იგი გასული საუკუნის 20-იან წლებში, იმდენად, რომ წამოვიდა მოთხოვნა სამეგრელოს ავტონომიის, შეიქმნა მეგრული ანბანი, მეგრულად დაიწყო საქმის წარმოება და სწავლა დაწყებით კლასებში, გაზეთის გამოცემა... და აი, აქტიურდება დღესაც, იმ დონეზე, რომ მეგრულად (ასევე სვანურად) ბიბლიური წიგნებიც კი ითარგმნება; ისევე გაჩნდა მოთხოვნა სამეგრელოს ავტონომიის, მეგრულისა და სვანურის რეგიონულ ენად გამოცხადებისა; ჩვენს თვალწინ დაიწყეს მეგრული სამწიგნობრო ენის შექმნა(რითაც მეგრულებს, სვანებს უუცხოებენ მრავალსაუკუნოვან სამწიგნობრო კულტურას-ქართულ კულტურას) და ა.შ.

2019 წლის 12 აპრილის გაზეთ „ლიტერატურულ საქართველო-ში“ გამოქვეყნდა სერგი (გიორგი) საჯაიას ღია წერილი, რომლის ადრესატები ბრძანდებიან საქართველოს პრეზიდენტი სალომე ზურაბიშვილი, საქართველოს კათოლიკოს-პატრიარქი ილია მე-2, საქართველოს პარლამენტის თავჯდომარე ირაკლი კობახიძე. მიმართვის ასლი გადაეგზავნათ: საქართველოს პრემიერ მინისტრს მამუკა ბახტაძეს, საქართველოს ენის დეპარტამენტის თავმჯდომარეს გიორგი ალიბეგაშვილს და საქართველოს მწერალთა შემოქმედებითი კავშირის თავმჯდომარეს თემურ ჩალაბაშვილს.

წერილი ეხება 2019 წლის 29 მარტს თბილისში, საქართველოს მწერალთა, მეცნიერთა და საზოგადო მოღვაწეთა აკადემია „ქალდეას“ თაოსნობით გამართულ ყოველთა ქართველთა წარმომადგენლობით კრებას, რომელმაც განიხილა ამ აკადემიის წევრის, მწერალ სერგი (გიორგი) საჯაიას მოხსენება **“რუსეთის იმპერიის ეთნოფაზრიკაციული დივერსიების ახალი ტალღის შესახებ სამეგრელოში”**.

აღნიშნული განხილვა ფაქტობრივად აღმოჩნდა 1925 წელს სამეგრელოდან გამოსულ მოღვაწეთა პირველი თავყრილობის გაგრძელება (1925 წელს თბილისში, რუსთაველის თეატრში თედო სახოკიას თავმჯდომარეობით ჩატარებულმა კრებამ დაგმო სხვა ქართველთაგან მეგრელთა ენობრივად გამიჯვნის მცდელობა).

კრების მონაწილეებმა განაცხადეს, რომ რამდენიმე თვითმარქვიას, რომლებიც შეიკრიბნენ 2019 წლის 24 თებერვალს ქ. ზუგდიდში, უფლება არა აქვს, ისაუბროს სამეგრელის სახელით; ისინი დაიქირავა რუსეთის იმპერიამ.

დიახ, საუკუნის მერე ისევ გააქტიურდა რუსული იმპერიული გეგმა, რომლის საბოლოო მიზანია არა მეგრულისა და სვანურის გადარჩენა, არამედ, თავის მეგრულ-სვანურიანად, ქართველი ერის გადაშენება (გაზეთი „უქიმერიონი“ # 4, 2019 წ.)





თვითმოძიებითი წამგაელვებანი ყებურთან ჩათვლემილი 75 წლის ბერიკაცის ძილბურანიდან...

სერგი (გიორგი) საჯავია

მერე თეთრმა სიჩუმემ ის იმედი წაიღო
ტერენტი გრანელი

მოგონებები, ფიქრი და, რაც მთავარია, აქედან გამომდინარე უმცდარი დასკვნა, კაცად დარჩენის უპირატესი საშუალებაა.

სწორედ ამიტომ, ასეთ სულისკვეთებას ხიშტით ერაზმება საეროვნულოდ ან საკაცობრიობოდ კი არა, ნომენკლატურულად, ვიწრო სექტანტური მომხმარებლობით „განათლებული“ თაობა, რომლის საზოგადოებრივი მდგენელი ჯერ არაა ზნეობრივი მოცემულობა.

ამ ვითარებაში, მე, როგორც წინამდებარე ფიქრის შინაარსი, რთული, ავმოსურნედ ჩასაფრებულ ყოველდღიურობათა წიაღში ავკარგიანი გამოდარებების შედეგი ვარ.

ჩემი ცხოვრების სვლაგეზი სახუნდარების ჩაწალდვას მოუწდა ძირითადად.

... სტუდენტობისას ერთი მეგობარი მყავდა - თამაზ ახალაია. 1965 წლის ივლისის ერთ თაკარა დღეს სოხუმის ა. მ. გორკის სახელობის სახელმწიფო პედაგოგიური ინსტიტუტის მისაღებ კომისიაში საბუთებს ვაბარებდი. საკმაოდ გრძელი რიგის შუა წელში ვიღაც თმააბურძენულმა ბიჭმა საბუთების საქალაღდე მალლა ასწია და რიგში მდგომებს, რომელთა შორის ქართველების გარდა სხვა ეროვნებისანიც იყვნენ, მიახარა, - ჩემს ლექსებს გაგაცნობთო და რამოდენიმე მართლა წაიკითხა, რომელთაგან ერთი განსაკუთრებით დამამახსოვრდა, „ველი შენს ბარათს, იმედის დარად, იქნებ მივილო მასთან სურათიც, გამიხარდება, მექნება ფარად ჩემი სი-

ცოცხლის დასასრულამდი!..“ ასე გავიცანი იგი, პოეტი, მიუ-საფარი, ადამიანად გარდასახული ტკივილი, სამშობლოს ჩა-ფესვებული, უღალატო, ღვთისმოშიში, ნიჭის მფრქვეველი...

ჰმ, სურათიო! მქონდა მასთან გადაღებულიც, იგი სოხუ-მის გაზეთშიც (იმ დროს „საბჭოთა აფხაზეთი“ ერქვა) დაი-ბეჭდა ჩვენზე, ახალგაზრდა შემოქმედებზე მომზადებულ საინფორმაციო გვერდზე.

ყოველთვის მიყვარდა სურათების გადაღებაც და ალბო-მების თვალთვალზე. სამწუხაროდ, ჩემი სურათები და გე-მოვნებით შერჩეული ალბომები სახლთან ერთად დაიწვა 1993 წლის 20 სექტემბერს, როცა მუხანათმა მომხდურებმა ხანძარს მისცეს სახლიც და ნაჯაფი ლასკარიც. არაფერი გა-დარჩენილა.

ცხადია, ეს ჩემი საპირადო უბედურებაა, რასაც მოეწყალ-უხვა საყოველთაო სახალხო აღმგველობაც: ჩვენს წინააღმ-დეგ მიმდინარეობს წამგაუცდენელი ომი პოლიტიკური ქაოსით, ზნეობრივი გაუკუღმართებითა და საგანმანათლებ-ლო გადამშენებლობით.

რა საკვირველია, ასეთი საქუდზეკაცო განგაშის დროს მრავალი თავსატეხი გითრევს თავის კბილანებში. მეც შორი-დან ვერ ვუყურებდი საყოველთაო პარტახს - ყოფითს, სუ-ლიერს, ცნობიერს...

... და მაინც, გამოვიზოგე დრო და ამის მიუხედავად, აქ, დევნილობაში, ნათესავებთან მოვიძიე ოდაბადეში გადაღ-ებული სურათები და განვაახლე სასწაულად გადარჩენილი ზოგიერთი მათგანი. ასე აღვადგინე ჩემი ცხოვრების წამგა-ელვებები.

აგერ, ახლაც, წინამდებარედ, სურათზე 1955 წლის აღდგომამ შემომააფხაზეთა თავი. ვუყურებ ჩემს ბავშვობას, სახეტკივილიანს, ხელმოკლედ ჩაცმულს, გულამომჯდარს, ცნობისმოყვარეს, მარტოს... მოვეფერე. სულიდან ეკალი ამოვადრე თითქოს: ნუ აირევი, ბიჭო, კაცი იყავი, ვებორჯა, ვაკოცია, წიე, - ისეთი გულწრფელობით ვუთხარი, თითქოს

მინდოდა, შემოვჯავშნოდი მის ობოლსულობასა თუ აკად ყოფნას.

სახეზე გარკვევით ეწერა, ხოხბის ის ლაპი იყო, აფრენის მცდელობისას რომ ესროლეს დამიზნებით.

სურათი მეთქი, ჭკვიანი ბავშვის!.. ვუყურებდი და მეგონა, საცაა მარტოსულობისგან დაიხსნის თქვა თავს, სივრცეს ხარბად იცნობიერებდა და იერთსხეულებდა.

რა იცოდა მან, ჯერ კიდევ მართლა წიემ, რომ თავი-სუფლების კამარა დასჯადი საქმეა. ყოველთვის არაა მახედნიერებელი ის, - ფიქრი რომ კაცად ყოფნას განაპირობებს. როდესაც ზედმეტად ბევრი იცი, სახიფათოა... ამასთან ერთად, სიბრძნეში უშქარი მწუხარებაცაა, სიბრძნე ცხოვრების ცალულია, ძალიან მძიმედ საზიდი.

იმასაც ხვდებით, რა თქმა უნდა, მან ჯერ კიდევ სერგიუკამ, არ იცის, რომ მოუწევს ბრძოლა საქართველოს თავისუფლებისათვის და იწვნევს თავზარდაცემას იმის გამო, როცა საკუთარი თვალთ დაინახავს თუ როგორ ახედნიერებს საზოგადოებას (არ მინდა ვთქვა - ქართველობას) ყოფითი მონობა, პოლიტიკური მონობა, ცნობიერი მონობა!..

არა, იგი ვერც დაისიზმრებდა, რომ ვათანძარები მის დახვრეტას მართლა დააპირებდნენ 1992-93 წლებში და იცით რატომ? - რად ერთგულობსო სამშობლოს ასე წამგაუცდენლად!..

იმშიც გეთანხმებით, მან არც ის იცის ამ წუთში, ადამიანს რომ სჭირდება, ვინმეს გაუცხრათხილისგულოს საწუხარი... ვერ იპოვის ისეთ სიდიადეს, რომლის ზნეობაში საკუთარ ტანჯვას სათანაგრძნობოდ დაასაწყობებდა. პირიქით, ყველგან მიზნობრივ-წინმსწრებითი სისასტიკით უშუაკაურებენ ვითომ მოკეთები...

მას ახლა, მიუხედავად იმისა, რომ ძალიან უყვარს ცხოველები, წარმოდგენაც არა აქვს, რომ ბატონი სერგი სულ არ ითაკილებს 75 წლისა, სატახტოს დედოგამზირზე ერთგულება ისწავლოს წამგაუცდენლად მედღეურე ყურფირნიშნიანი ძალეებისგან. პირიქით, მათ შურობუმუსთან მისი მი-

ჯაჭვულობის სახეზოგადებად გამოაცხადებს კი არა, მეტიც, დიდ პატივად ჩათვლის, მათგან რომელიმე თუ გაუსახლი-კაცდება!..

გვიან გაიგებს, რომ უფალთან, სამშობლოსთან და საკუთარ თავთან პატიოსანი ურთიერთობა უიშვიათესი გამონაკლისია!..

აბა, საიდან ეცოდინებოდა მას, რა სულჭუჭყიანი და ავმოსურნე სიმრავლე ისანგრება სიბრძნის გარშემო ზურგში ჩასაცემი ბეზუთით, რა სამოგვერდო ძალისხმევა გექერქვეშება ვითომ მეგობრად, **თორემ, არ მოინდომებდა ასე წყურვილით გამოეცალა ნაცად ცოდნათა ჩაყვა.**

ნუ დაესევით მას, ამ სურათზე ერთი ობოლი, მხრებსუსტი, უმწეო ბიჭუნა გაჰყურებს სივრცეს, იმ თვალსაწიერს, სამშობლოდ, შურობუმედ რომ გაისიგრძეგანა თავისი დედანი ვინაობის მოთხოვნით.

კი ბატონო, ეს ღვთისკენ სავალი სვლაგეზი გახლავთ, მაგრამ წამებაც და ტანჯვაც ხომ დაელიანდაგა?!

... და აი, ამ წამებათა ბოლო ნიშანსვეტი - მე ჩემი ავლადიდების ლაგუჯით დაღლილი, სულშემრული, 75 წლის ტანჯვა, წინამდებარე ბიჭუნადან ამოვიზარდე, ამიტომ, ჩემი დამარცხების ჭირისუფალიც, მესაფლავეც და გამპატიოსნებელიც ამ სურათიდან ათვლილი ვინაობაა.

ვგრძნობ, - საცაა, წავიქცევი!..

ჩემს მარტოობას ნუ დაემუნებით გულქვაობად!..

ნაკვერჩხალი სადაც ეცემა, იქ იწვის და იფერფლება.

არადა, რა კარგი ამინდია, უკანასკნელი თბილი დღეები, მალე ზამთარი შემოსასტიკდება!..

მინაწერი: ... მაგრამ იცოდე, გერასიმე, უსამშობლოდ კაცი არა ხარ! (გურამ დოჩანაშვილიდან).

2022 წლის 4 სექტემბერი.



ს ა რ ჩ ე ვ ი

ზურაბ ცუცქერიძე - ის შეუდრეკლად დგას დაკბილული ციხის ქონგურზე _____	3
ზურაბ ცუცქერიძე - რისხვის ზარები ჩვენი სამრეკლოდან _____	6
ზურაბ ცუცქერიძე - ცრემლში დანახული მამული _____	10
დენისა სუმბაძე – „კოლხური კოშკის“ მსოფლმხედველობის „ამთერგდრიალებელი განიშანსვეტება“, ანუ ქვეშევრდომული სულის გაძევება „სრულიად საქართველოს გონითი სივრციდან“ _____	14
მანანა ტაბიძე - „მარად და ყველგან, საქართველოვ“... _____	29
მიხეილ ლაბაძე - მებრძოლად დაბადებული _____	36
მიხეილ ლაბაძე - სიტყვით მხატვრობის ოსტატი _____	37
გიორგი ქართველიშვილი - წერილი ისრაელიდან _____	40
ზურაბ ქობალია - მკითხველისადმი _____	41
ზურაბ ქობალია - ალაღად დაწერილი წიგნი _____	44
ჯუბა ღებელი - დაღადი წმინდა საფლავთა სახელით _____	46
მურმან ხურცილავა - შეხმიანება მეგობარს _____	52
ზოგიერთი მხარდამჭერი, გამამხნეველები და მეცნიერულად საყურადღებო გამოხმაურება _____	55
<i>სერგი საჯაია</i> - თვითმოძიებითი წამგაელვებანი ყებურთან ჩათვლემილი 75 წლის ბერიკაცის ძილბურანიდან... _____	60



სერგი საჯაიას ვინც

იცნობს, უსათუოდ დაინახავდა მის მსგავსებას ლეგენდებიდან გადმოსულ მეციხოვნესთან, რომელიც შუბით ხელში ამაყად დგას ციხის ქონგურზე. საკუთარი საგვარეულო ციხის კი არა, სამშობლოს ბასტიონის დედა ციხის დაკბილულ

75

ქონგურზე და ბეჯითად გასცქერის იმ გზაშარასა თუ საცალფეხო ბილიკებს, საიდანაც არაერთხელ შემოჭრილან, თუ შემოპარულან ვერაგი მტრები. იცის ამ მეციხოვნემ, რომ საქართველოს ღირსეული მტრებიც ჰყავდა და უფრო მეტი კი თახსირი, სულმდაბალი, შავგულა და მოღალატე ავსულები, რომლებიც სწორედ უჩინარი ბილიკებით მოძვრებოდნენ, ხან მოყვრის, ხანაც კი გლაზაკისა და



მათხოვრის სახით მოწყალების სათხოვრად. სწორედ ამ ბილიკებს აკვირდება ამაყი და წინგახედული მეციხოვნე. აკვირდება და ყველაფერს ხედავს.

ასეთია სამშობლოს ერთგული მეციხოვნის სერგი საჯაიას ხვედრი და ბედისწერა.



ნელს უნდა გამოსულიყო მის 75 წლისთავთან დაკავშირებით. სამწუხაროდ, სხვადასხვა დამაბრკოლებელ მიზეზთა გამო, ვერ მოხერხდა.

პროფესორი ზურაბ ცუცქერიძე